

叙州府志

寺觀

第六冊



敘州府志卷十二

寺觀附

宜賓縣

大覺寺 在縣西元延祐間建寺前坊額曰第一禪

林通志

郡守周元勳重修大覺寺引竊謂政通人和不妨
修舉廢墜晨鐘暮鼓最足警醒愚頑像教闡自漢
唐原佐王化之不及山門重於廊廡實為初步所
同瞻敘郡第一禪林西關大覺古寺也幾經劫火
累被摧殘天王殿圯於殿前鞠為茂草古佛堂頽

敘州府志 卷十二

寺觀

宜賓

於堂下馱彼晨風利較錙銖安得謀之市井學相
攻擊何當問彼生徒我輩理識大原德矜細行苟
有益顛蒙之眾便宜損七箸之餘况我同人遠宦
邊土陰行善意廣種福田鬻序漸次修明敦詩說
禮壇壝時加整飭理民事神乘此餘間共成佛果
不敢創修觸禁貽牲牢代麩之譏竊欲利濟為心
效寶帶留山之義總從古蹟起見勿曰小善不為
謹綴數言聊用相引繁江李壽萱偕友人遊大覺
寺詩松堂虛靜講聲圓鄭谷疑借壺中到梵天李杜
口已同居土室齊冥心未解祖師禪李建典琴沾



酒元非俗陸游對佛拈花亦偶然劉翼忝竊自慚稱吏

隱章燠到頭無分學神仙歸真子○新附

壽昌寺 在縣東一里宋純祐間建即唐花臺寺故

址東殿石壁露立大像其地內外石間鑿有萬佛即

刺史張九宗撰記處通志按寺在今城內東南隅通志

誤相傳古石牛寺碑記剝蝕道光年間知縣陸成本

重修寺內鑿放生池寬十餘丈滇匪圍城實沾溉焉

李春先題石牛詩片石依雲化作牛且來雄飲上

池頭梵王法力通三界丙吉無勞為國憂釋玉華

詩石上青蓮字人間兜率天袁公空說法蘇子銳

敘州府志 卷十二 寺觀 二 宜賓

逃禪好鳥伴珠樹幽花覆聖泉無因登彼岸善果

証團圓新附

真覺寺 在縣西五里翠屏山

佛祖寺 在翠屏山

孝子寺 在縣南為漢孝子隗相建並通志

白塔寺 治東隔江通志作北塔寺誤

楊端泛舟遊白塔寺詩竹杖芒鞋興頗賒郊原到

處聽清笳欲登白塔窮秋望且泛扁舟蕩日斜山

外白雲渾似水江頭紅樹勝於花歸來未覺經行

倦更向河亭問酒家新附

五泉寺 在縣東北

靈巖寺 在縣北並通志

無等院 在縣南門外方輿勝覽宋黃庭堅元符間

寓此作槁木寮死灰菴今猶存其寺額亦魯直真蹟

黃庭堅題名元符始元重九日同僧在純道人蔡履

舉子蔡相張溥子桐姪相步自無等院登永安門遊

息此寺同僧僧惟修惟義居泰宗善觀甘泉發并回

乃見東坡老人題字表回其下久之不能去通志

邑人邱晉成南寺詩步出城南闔言尋無等院迤

邐背街術嶮嶮面江岸茅茨亂坳垣竹柏隱頽殿

敘州府志 卷十二

寺觀

三

宜賓

宋宗槁木居翳翳荒草蔓淒淒拂寒颺悵悵弔遷

宦陟徑緬游躅摩碣企遺翰想見軒中客摘華一

何燦載筆事徒勤垂翅迹已遠鴉鷺不共棲涇渭

竟誰判獲戾在蛾眉古今有同歎新附

東州道院 在縣治內

安靜觀 在縣城內東隅

宋楊甲詩青山轉龍脊矯首西南天上有仙人祠

臺殿飛後前下見雲雨興樹色暗平川仙人雨黃

鵠一去無歸年向來道上履人著幾何錢一朝聞

羽化悵望空流涎卻揮囊中金瓦礫來投捐巖巖

化金碧香火通雲煙人間萬事爾旦暮有愚賢而
况爭奪場轉手分媼妍仙人一回首破隴與荒阡
紛紛不足道哀此區中緣石泉瀉幽潔意潔不肯
喧夜聞松風露起坐心寥然新附

文清觀 在縣西南

元都觀 在縣西元至元間建

舍利塔 又名東雁塔明崇禎丁丑重建

宋黃庭堅銘維我戎州沿漢夔道鉤帶二江撫有
蠻獠王德無外來享疏犒在邊文武臥鼓弗考維
時父老崇佛宮廟道人在純法中杜多捨所懷璧

敘州府志

卷十二

寺觀

四

宜賓

巖窳堵波寶積佛之舍利羅五色生息僧伽師之
骨身匪玉匪石大善知識功德之餘用福蠻方三
災不作百穀有年上天降康歲攝提格元符天子
萬壽無疆涪翁不頌不顯其光以詔方將此第七
級不爰眾力檀者陳防琉璃餅白金爲牆施者周
章明余良翰東鴈塔藏經銘并序敘文明區也東
南形勝胥宗於蜀而巘奇於敘其截業盤結發自
岷峩介乎平武之右文昌司之者三台山也千谿
萬壑溶溶從錦江東注與湖瀘會滙者合江也玉
壘分劈滌席溢川夾奔嶙峋兜突如襲表鳳石者

東壁山也濱江一峯如覆鐘累以珉巖峭削摩天者文塔也塔凡八級應蒼龍木宿也出乎震兆文明也形勝益培垂休罔極毓靈者地也而翼贊者人也儔其贊之郡縉紳衍齋周爰也塔成君取義曲江題名鴈塔世籍南宮掄魁系之名號爵里永作省觀用意溥矣復遣子起郊孫王觀持石經九十有六卷太上道德五千言并法華真經請府篆印記珍藏三教堂尊經以右文也又附載三蘇文籍若干卷重蜀產也同文於野不私諸家大道爲公之心矣夫岫嶺禹廟萬古斯文玉觀曾書十州

敘州府志

卷十二

寺觀

五

宜賓

勝蹟然茲山益壯當有屬者士之仰而慕感而興契大道以宏斯文順成化以鳴盛世魁天下陟元輔纘神禹南軒之緒恢文武吉甫之烈繩繩繼繼有光前哲風教之裨大矣哉易曰裁成輔相以左右民又曰觀乎人文以化成天下信匪誣矣是役也卞君偉劉君芹羅君嘉賓樊君坦李君文績共倡其事余牧茲土得觀厥成乃爲之銘瞻彼蜀國號稱天府文翁覃化揖讓鄒魯青羊闡秘肇啟元關梵炁西來貝葉蓮翻元覺並駕岷峩俱依三蘇者出文與山齊芬華異擷老釋同塗昊天不逃簡

在真儒我建雙塔仰企尼山三教同堂亦孔之儼
裒藏瑤篇附以蘇文喬梓蜀產載降之神經像之
設祥光臺天佑啟多士臣筆如椽元精炯炯文運
奕奕東壁圖書萬古一日並通志

舊州塔 在治北五里舊州壩新

半邊寺 在陝西館側

飛來寺 在師來山麓

西山寺 治西十里

無量殿 在師來山

朱士英重修無量殿碑記敘郡城北有山魏我後

敘州府志

卷十二

寺觀

六

宜賓

帶大河昔有人浮舟至此忽見一道人自空而下
止於峯頂卽之不復見因名師來山自宋楊真人
復遇鬱姑仙於此又名鬱姑臺是山仙託跡於蓬
萊空峒齊名於寰宇者久矣極其巔古有無量殿
與景元樓並峙臺像祀純陽殿奉無量佛其亦佛
仙同源之意歟迴環下視相對七星烟霞如畫石
馬流沙梁山霧雨陰晴異幻萬井千巖燦然在目
在昔盛時士女遊戲歲無虛日自羅獻劫鞠爲茂
草遊人旅宦蠟屐不前可勝慨哉原有元素和尙
蒲團岩下十有餘年悲往興來重新無量梵宇庚

戊歲守憲張公郡守張公捐貲首倡此郡人士踊躍樂輸或負囊錢或旋斗粟贊襄厥事於癸丑秋落成棟宇輪奐塹茨丹雘裝塑牟尼世尊自是而晨鐘暮磬談經說法恍一化城矣憶昔有飛鳥者今見其飛鳥矣昔有負磚磨鏡今見其磨磚成鏡矣昔爲餐霞煉鼎之區今爲拈花棒喝之壇矣嗟夫今古相仍桑滄更易仙耶佛耶人耶同一變遷也耶今考其事所產仙茅鬱姑之遺跡歟浮磬石棺楊真人之遺跡歟誠恐千百世後有弔古之士尋跡問道歔歔感慨於湮沒者矣是爲記

新附

敘州府志

卷十二

寺觀

七

宜賓

千佛殿 在翠屏山

救苦殿 在師來山

靈官殿 在師來山

三府宮 在師來山

斗姥宮 一在師來山一在會府街

洞賓臺 在翠屏山

壽佛殿 在東北隅

李壽萱偕友人讌集壽佛寺詩碧瓦朱甍照城郭

杜甫曉日樓臺煥金碧 楊萬里壯哉千古之佛宮 宗因

邃爲堂曲爲室 梅堯臣會約先生作勝遊 秦夔精廬水

樹最清幽徐鉉坐中賓歡呼酒飲梅堯臣長歌短韻還

相酬杜甫人生有命且行樂汪元量何必拘拘戀名爵

王佐便呼斗酒澆離觴王越為君起舞勸君酌白君今

去徐貫聽我歌李獻甫我歌今與君殊科韓愈高車駟馬

盡桎梏王守仁對此令人感慨多戴復古且拾琴書賦

歸去吳希賢欲去未忍還婆娑韓維願君盡此一杯酒

朱子富貴百年能幾何李白○新附

華陀殿

桂香殿 俱治東北

萬壽宮 一在柳狀元街一在東門外

敘州府志 卷十二

寺觀

八

宜賓

撫州館 在城內東北隅

浙江館 在東門內

玉皇觀 在大南門內

福建館

雲南館 俱城外西南隅

蓮池寺 城外西南隅

石龍菴 治西臨江

石鳳菴 治東隔江舊祀蒼頡夫子像

白衣菴 治北臨江

貴州館 小南門外

廣東館 在城外西南隅

三聖宮 翠屏山麓

火神廟

財神廟

王爺廟 俱南門外臨江

湖廣館 合江門外臨江

蔡侯廟 東門外

華嚴寺 翠屏山麓滇匪擾敘燬

觀音閣 合江門城上

尹伸與王忘機飲觀音閣詩三日不對客五日不

敘州府志 卷十二

寺觀

九

宜賓

登山攤書縱過千餘卷眉頰心靈了不關莫嫌歌
峭一痕石百頃澄光嬌軟碧雨天隴隴七點峯煙
消翠滴寒樓脊如澗之酒力不輕談鋒曼曼當堅
城未知鹿角中宵折已覺鴻毛萬事輕君向雞羣
尋野鶴余亦人中稱寂寞逢君如斯恨其晚出峽
恐君亦思返新附

巧聖宮 東北隅臨江

吉安館 合江門外臨江

文水館 城內林家巷

石陽館 大南門內後街

陝西館 北關臨水

郴州館 城內東北隅

黃州館 城內墨匠街

李壽萱黃州館招飲詩慣遊花下領儒羣源楊巨貧

病無疎我與君馬戴飲水曲肱吾自樂王守仁煮茶瀹

茗客同分張燁已邀風月成三友陸游各以篇章鬪五

雲皮日休肯為交歡拚一醉莊吟肩山聳酒微醺陳

之舉世何人念此翁陸游天教我輩一尊同蘇軾偏宜

下榻留徐孺李中但使無多作次公蘇軾物色橫陳詩

卷裏玉汝河山浮動酒杯中劉昂霄懵騰醉眼牽情處

敘州府志 卷十二

寺觀

十

宜賓

歐陽澈六十栖栖未歎窮梅堯臣細傾金屈倒垂卮王

珪最是橙黃橘綠時蘇軾徧謁禪房嘗苦茗高翥卻呵

凍手寫新詩惠洪樽中美酒長須滿朱慶餘醉後狂歌

自不知范成大多謝故交相慰藉林逢吉莫教牢落負

心期朱子杖屨相隨在處便朱慶餘一壺聊醉嫩寒天

陸游隨緣久已均憂喜陸游與子不妨中聖賢蘇軾世路

難行甘屏迹鄭澐金蘭同好共忘年徐鉉於今又逐街

杯樂張燁乘興能無賦詠篇趙大成
○新附

楊泗樓 北門外臨江

慶符縣

天甯寺 在縣西關外元元貞二年創建明永樂十一年景泰元年天順五年宏治三年前後重修縣志

長甯周洪謨重修天甯寺碑天甯寺在慶符縣治西一百二十步元元貞二年僧行堅創建元末兵燹國朝永樂十一年邑民李天甯等重修景泰元年復被蠻燹天順五年僧人覺昭謂寺為宣詔習儀為國祀釐之所豈可廢乃募眾力芟其榛莽除其瓦礫市材木陶磚瓦傭工重葺中為殿高二十四尺廣七仞輪四仞七尺上奉大佛三尊左右肖諸羅漢像繪二十四諸天佛像於壁殿之外東西

敘州府志

卷十二

寺觀

十一

慶符

為兩廊各三間皆高一丈四尺廣三丈六尺五寸輪一十八尺廊之中各肖觀音佛像殿之前為天王殿三間高廣與佛殿埒左右樓下四天王像虛其中以出入閣之上置筍簾以安鐘鼓墻垣周圍六十五丈沿墻樹柏三十株杉二十株有田一區在菁坎下以食僧徒令僧會洪教來管茲寺修墜補敞以華其廳未畢工乃具其興廢梗概求予為筆之石以示永久云新附

三台寺 在縣南一里三台山左明萬曆三年知縣葛處士重建

文殊寺 在縣東一里集慶山明成化九年邑人周敬述等修建嘉靖十六年重建

西江寺 在縣西三里山含半月水折西行層巒峭壁竹樹參差新月初升一片清光遙映江中如金簪灼爍萬曆中知縣張明卿建得月樓於上教諭延鶴撰有碑記今圯

金雞寺 在縣東三十里白馬池岸上昔建寺一院寺側有石屹立上有一小窩舊有金雞日泄金於此可供僧食後有僧鑿其窩遂不復至寺亦廢

圓通寺 在縣東四十五里相傳高僧普僊曾居之
敘州府志 卷十二 寺觀 十一 慶符

雷雲寺 在縣北六十里安定鄉明萬曆間建乾隆八年重修

金竹寺 在縣北六十里永甯鄉其地有松篁交映魚鳥悠然頗有清景

大窩寺 在縣東北七十里大窩場後明萬曆間建洩口寺 在縣安定鄉其下有陰河故名

太元寺 在縣安定鄉相傳寺傍山洞有神虎往來不爲人害寺成虎入寺中今洞尚存

望鐘寺 在縣東八十里門對鐘岫因名焉並縣志

鯉魚寺 在縣東北一百里雍正四年重修相傳寺

未建時鄉人於寺側水中獲一石上刻鯉魚之形移之岸上有疾病禱之輒應里人遂於此建寺因以名

焉縣志

邑人樊嵩齡鯉魚寺晚眺詩瀟灑臨幽寺疎林映

晚霞棲鴉來隔岸宿鷺起平沙澹慮空塵俗間情

聽法華留連寄幽興歸路夕陽斜新附

雪頂寺 在縣東一百里漢陽山隆慶五年建今改

為天德寺縣志

邑人樊榮祖遊雪頂寺詩古寺隔前峯遙聞度嶺

鐘蕨叢晨露濕松徑夕陰籠碧澗泉聲細青巖秀

敘州府志 卷十二

寺觀

三

慶符

色濃攀藤綠壁上回首白雲封嵯峨撐碧漢突兀

壓羣峯俯吸江流細高蒙霧靄濃清虛崇梵宇縹

緲住仙踪小憩登樓望天空海濶胸新附

獸躡寺 在縣東一百二十里明天順間建下臨大

江故老相傳水中有獸往往為民害因立寺以鎮之

故名

錫峯寺 在縣東一百二十里昔有高僧卓錫曾居

之

景德寺 在縣東一百三十里景泰元年建雍正中

重修嘉慶七年改修

觀音寺 在縣東一百四十里明宏治四年建明末

蜀亂僅存正殿康熙四十八年重修並縣志

牛鼻寺 在縣東一百五十里有石橫生其旁平列

二孔壯如牛鼻因以名寺其孔皆高三尺濶七八尺

左孔壁上刻諸佛像右刻 關聖秉燭待旦像容貌

如生旁書流米洞三字筆力遒勁惜未著姓字縣志

邑人樊嵩齡遊石佛寺詩古寺依巖壁長林繞徑

斜山僧虛歲月石佛老烟霞散步閒看竹開軒細

品茶我來營別墅約在白雲涯新附

寒露寺 在牛鼻山下明成化十七年建後圮寺前

敘州府志 卷十二

寺觀

古

慶符

石獅尚存隆慶三年重建新寺於牛鼻山前基址七

層至今亦圮一鐘移入唐家廟其石獅猶伏坐山前

重不可移

吒口寺 在牛鼻山下寺後有大石形如怒獅張口

上刻吒口寺三字寺以此名旁鑄正德二年五月二

十日建左有牛頭寺今廢

大寶寺 在縣東一百六十里舊名曇華寺在大寶

山今以山為名明隆慶三年僧恢明建後屢重修梵

宇森嚴中有銅韋馱佛像一尊

饅頭寺 在縣東一百六十里明嘉靖二十二年建

中有銅爐一座寺景最奇麗峯回路轉山重境邃

三聖寺 在縣東一百六十里從殿中分界左屬南

溪右屬慶符萬曆二十八年建

並縣志

三清觀 在縣東五里唐貞觀二年建明宏治十一

年重修康熙九年知縣陳大謨增修

縣志

何源重修三清殿碑三清者何上清玉清太清也

玉以言其純淨無疵清以言其澄澈不滓上則高而無極太則坦而無垠蓋三氣爲天地之宗其本卽人身中精氣神是也人能保固此三者則渾同太虛包舉罔遺至道在我矣邑東三里許有三清

敘州府志

卷十二

寺觀

五

慶符

殿村因以名焉承平時閭左殷富風教純樸歲時伏臘飲射之暇奉事神明甚恭而謹是殿前三官次真武中三清後玉皇最後與文昌宮閣相望鐘磬惶鏘每歲季春仲夏輒迎神遊蹕於此香炬坵集觀者如堵蓋古祥之盛蹟也始於唐之貞觀二年盛於宋圮於元迨宏治十一年復行修建至嘉靖三年盛復如初甲申後蜀土民自相殘賊城邑圯墟棟折簷頽穢如坻場余壬辰休致見寺廟傾圯恫乎悲愴欲力爲修補尋以他事久寓蓉城此願遂弗克竟丙午還里雖四壁蕭然擬舌耕修理

以酬素志而事充役廣憚於經始幸值邑侯陳公蒞政八年政通人和百廢俱舉僧人滿參發大勇猛力襄厥事率作興功易其楹桷環以垣墉飾以丹雘三清煥然改觀矣緣財力殫訕文昌宮尙議續舉聊序其心以誌此殿興廢之由凡蠲貲助工士民另書姓名於樑若夫因象見心卽心成象精氣神融合無間則直証元宗法象間俱屬空躡矣

是爲序

新附

元貞觀 在縣東點軍山明嘉靖十九年建正殿中有古井滄然仰出

敘州府志

卷十二

寺觀

去

慶符

皇朝乾隆年間僧道成晨起焚香見有龍從井中出烟雲繚繞覺殿中所塑龍皆有躍躍欲飛之勢僧鳴鐘說偈移佛前石香爐鎮之至今風雨之中猶時見烟雲馥郁之氣

天竺庵 在縣東一百五十里萬曆十七年建

觀音寺 在縣東九十里月口場後俗名活觀音其神像得之河中鄉人爲之建廟最著靈異後復改修枕巖面江境最清幽廟中有穴夏時嘗有風出可以避暑傍石峯壁立邑舉人樊嵩齡題小蓬萊三字於其上

觀音寺 在復興場創自有明

皇朝乾隆間鄉人李登第王汝智施有田地同治元年邑

廩生李文錦監生胡行芳王秀士募眾重修

並縣志

七星塔 在治北一百里七星山一名黑塔

富順縣

萬壽寺 在治城東街唐天授元年建宋元因之明

洪武二年重修為朝賀習儀所

皇朝知縣劉上駟重修

劉上駟序臣惟天竺降生雪山入道衣傳有自書
受云遙聖人信出西方象教久興中國所以拯迷

敘州府志

卷十二

寺觀

七

富順

啟悟昭德塞違贊大化以毘陰陽誠萬民以孚寂
感非徒息慈蘭若洵資頂禮聖王者也顧戒珠欲
得何能舍此大千梵貝宜宣安可離乎羣有原夫
建塔始於宏忍遣使肇自永平翻貝葉之微言精
修萬行發雷音之妙諦深叶三宗莫不法俗依仁
幽明仰德蓋經雖諸佛之慧命必賴盛世為之闡
揚燈即瞿曇之心傳實仗吾儒為之流佈欽惟我
皇上以保乂甯成之運當太平清晏之年契証祇園振興
淨業意謂慈航寶筏與上聖治民之本相符覺啟
金繩較王者省世之機同埒固已化彌六合教達

五常誠社稷之所依臣民之所怙戴者矣臣每逢

祝

聖之朝一切持香之念常願卜年卜世比

聖壽於恒沙永期文子文孫鞏

皇圖之法界又詩我宰富邑值幾年我愛此寺無腥羶祝
聖餘間偶瞻眺琉璃火斷爐之煙鐘破無聲臥野草殿漏
積水生苔錢寮房塵榻缺毳客梵音久絕誰安禪
剝極則復理可信忽來衲子名自然發心修葺募
大眾大眾樂施多夙緣我亦感動生歡喜捐貲與
民作福田邇來古殿還舊觀金身丈六仍擁蓮呼

敘州府志

卷十二

寺觀

六

富順

嵩有地復成宇接引有佛新架椽寺門大啟徑不
二由斯道者燈始傳洪鐘鑄就聲亦大如雷遙震
覺最先生羨宗風賴渠振功類割腦願立堅迴廊
菌閣供習靜寓目使我思林泉何堪身世離鄉井
白首作宦路八千我欲解組急東下一龕將與彌
勒眠浮生在夢雖未醒一輪明月窺性天

觀音普慧寺

治城東北正街唐天授間建元至正

八年明洪武二十年俱重修隆慶六年六月火災萬

曆三年復修

皇朝乾隆二十一年知縣熊葵向重修

邑人熊敦誼記是山舊有寺及閣創自唐天授間奉勅賜額也額高七丈許方廣半之閣前有天王殿後有無量殿廼予曾大父諱仕廉介菴公捐金創者故予家自宏正來凡業儒之士率借方丈而登仕版者若予伯祖蜀進士河階守乳泉公諱載從伯進士公安令兌湖公諱遲進士祠部南沙公諱過予父進士御史南墩公諱迥伯兄蜀進士健堂公諱友麟進士太史朝列陸海公諱敦樸皆自童子時從師偕友肄業其中今子弟之肄業於中而嚮用者又彬彬然日益緣是寺若爲予家之香

寺觀

十九

富順

敘州府志

卷十二

火蓮社矣隆慶壬申季夏一夕回祿殆盡卽鉅鼎大碣皆壅粉無存惟釋伽藍神之像安坐烈焰中予至自錦官睹茲大概適余父執王賓湖公棟來謂予曰子揮霍士也何以處此予應曰山神不燼意將重興此刹乎哉倘予先大父創殿石碣尙存隻字予當矢志爲光前計王曰得無難乎試翻灰土以下之翻未幾見有石片廣尺許列曾大父仕廉及原任邑李嵩姓名予遂禮神誓願期復故刹王又曰無量殿舊懸有爾曾大父滇中造回木刻金龍喧傳回祿時不知何因龍首飛於子宅子知

之乎予回驗之果見金彩依然益徵神意之屬予
恢復也適陸海兄解館西歸遂公同製疏先白之
邑侯麻城劉公大字俞允印記次啟募於蜀王殿
下及其中官輩共捐貲得二百金陸海兄又捐銀
穀百金然後遍募邑之士民善信得銀米布疋木
植等項亦可近百總肆百餘金委寺僧明順自淨
超榮性洪等收支費用第吾邑僻在一隅材木艱
少僧人多不諳營建故興作十數年來僅僅完茲
一閣高廣只舊之半前後兩殿亦結構甫完而榮
僧又募請大藏四經安奉閣上以永祝釐在萬光

敘州府志

卷十二

寺觀

三

富順

陰陸海兄謝人間事未及留記予不獲已勉紀其
興創之歲月若曰言之不文信有然者至一切施
財檀信則以人多碣狹不能悉紀已於表懺道場
中疏名或自膺福報不須茲刻云萬曆壬申孟秋
月

元太宮 治西北西湖右知縣熊葵向率醫學陳仁
鵬監生方湖等補修

知縣劉上駟詩信是栖真地憑高復御卑龜蛇馴
道烝星斗聚靈旗帝座珠衣肅香爐瑞靄遲神威
如儼在呼吸接彤墀

三清殿 治署後一名元妙觀宋純熙間建明洪武
中設道會景泰二年重修

皇朝乾隆五年鄧井關通判盛暹倡眾重修

邑人華嶽靈募修疏竊惟三清觀者俯臨邑署斜
枕巖宮乃縣治之後山亦膠庠之輔佐先民刼建
歷年久而棟漸崩前令重修間架宏而功未竟在
元都非道旁之舍何當局者三年不成豈羽流無
點石之金而隨喜者一毛不拔殆圖新舍舊能盡
免於浮言乃有初鮮終或亦難乎物力以致風侵
雨蝕花跌湧地而漸傾寒往暑來繡柱浮空而欲

敘州府志

卷十二

寺觀

三

富順

朽功幾就緒我心惻焉志忽中捐誰其主者幸逢
盛公祖取形家風水有裨之說體儒流具貌可憫
之心謂無者創之而律不容有者舉之而禮不廢
復茲古蹟豈為福田鳩爾眾工補茲缺典旣蒙興
舉之鈞論敢辭奔走之微勞當合士庶之歡心共
勲陶冶之經費况功將成塔何惜合尖而志欲為
裘當先萃腋有如青蚨紅蝶携囊橐而集於一朝
懸期碧瓦朱甍冠煙雲而成於不日蓋惟才與力
慳悛之心不生則自礎至椽咄嗟之頃可辦行見
平地峯巒生紫氣琴堂之保障重開空中樓閣亘

青霄泮水之屏藩永建矣周士誠避暑詩祝融乘
令昌離德煥江陽荷葉凝珠碎琪花綴露香以幽
能致靜惟遠倍生涼卽此蓬壺境盤桓醉羽觴

中巖寺 在縣西北一里馬腦山唐時建宋純熙朝

御賜中巖二字額

縣志

輿地碑目中巖普覺院天禧丁丑賜院名康定二年
翰林學士李淑撰記名勝志中巖以北巖山居左瑪
瑙山居右此居其中故名唐咸通中依巖刻大佛宋
初僧自悟架屋三百楹賜名普覺院藏兩朝宸翰後
林靈素毀佛法欲壞其像圍繞鑿之不損乃以泥覆

敘州府志

卷十二

寺觀

三

富順

之罷禁將水洗去依然如新

輯通志補

明李長春宿中巖寺詩禪房臥榻昔年曾彈指流
光幻莫憑別去尙持居士偈重來已作宰官稱門
臨睥睨喧宵析樹敞星河雜佛燈夜半石床風雨
過層崖寒色起蒼藤雨從初度宿招提永夜鐘聲
夢不迷霜冷空林迴法雁日高絕巘唱天雞浮生
泡幻誰能那上界雲深自可栖猶有報親恩未了
蓼莪吟罷轉淒淒濩落風塵鬢欲絲懸弧此日倍
含思祇將浮世驚雙轂漫向空山禮六時水酌楊
枝還舊潤經翻貝葉况重披吾生福德惟如此珍

重僧寮爲祝釐何年紺殿起荒臺轉至吾家御史
開劫地兩時龍象護梵音如是海潮迴香雲繚繞
丹寮外法語繽紛碧澗隈莫謂莊嚴成小果還期
世世布金來李崇階訪天峯和尚祖亭秋寄中巖
叟我來更值晚秋後誰削青壁抱化城幾尺閒雲
遮谷口石陰林爽互參差擘來應自鉅靈手巖髓
冷然添聖泉異景宜爲異人有天峯不以身累人
自向山門耕數畝馬腦山名自在居案頭周易牀
頭酒參透無生一指禪從來公案皆塵帚爰汲聖
泉烹古煙此悟秋山良不偶余也支離落落身謂

余堪匹逃禪友不向雲房一啟簾半窗空翠誰消
受更上層崖看古題此人幾煎騷人壽敢將幽句
繼前人自惜餘生原速朽天峯何年住此山無所
住與山孰久壁頭辨出醒者言月朗風定巖應吼
步李棠軒韻小步山堂得未曾松窗掩靄恰秋憑
且將短夢逢菴寄那許浮名對石稱厥洞巖深千
眼像蒼黃月挂一龕燈但經淨域機堪息遙策何
須五嶽藤披榛來爲問宗提細路雲荒草欲迷樹
放罽平偶得寺鳥傳清磬曉聞雞難分空竇何年
闢遮莫高人此處栖幽際也忘貧客遠卻添風雨

暮淒淒到底根塵不斷絲天涯心繫水山思僧同
惠遠招禪日我亦淵明入社時多病身應從衲老
淨名經許避人披怪余偏負煙霞骨懶把孤行寫
陟釐更上中巖最上臺羣岡能抱眼能開洛源城
郭環將起馬腦峯巒捲霧迴碣字磨終留古勝擔
詩續恐瘦林隈虎溪笑別知非偶應使山林憶再
來天峯釋書雲中巖山居詩蕭然世外一頭陀撚
指流光五十過不向遽廬窺石境頻辭朝露隱山
阿花香堪覺春風早鶴瘦相將歲月磨收得中巖
深夜雨何妨幽事日來多

敘州府志

卷十二

寺觀

富順

富順

國朝知縣錢紹隆詩金碧何年鑿翠開千尋石磴半
莓苔江聲乍向天河落山勢疑分鷲嶺來風動修
篁聞鳳吹露溥蒼桂濕香臺澄觀頓覺煩襟滌忽
聽空林夕磬催琳宮縹緲靜無塵策杖來遊不厭
頻樹轉迦陵蘭若曉庭開優鉢碧山春香花塔在
雲長護般若苔荒草色新身坐翠微渾未覺欲將
妙諦問支遁知縣季友詩逐隊尋春二月邊傷心
底事總淒然看來花落山應悶聽去鶯催我獨憐
剎聖偏藏三昧酒途窮那得五湖船盤桓覽盡中
巖勝回首荒城悉暮煙知縣王令樹詩中巖自古

倚城隈不厭頻過信馬來楓落滄江人未返花開
寒嶺鳥飛猜百年劫燼真如在十月灰飛暖律迴
一枕高樓歸夢杳空山無語獨徘徊舊縣志原附
玉霄觀 縣西門外祀梓潼帝君乾隆十四年署令
張鳳翥置祭田十六畝今祠仍移鍾秀山

邑人晏瑤記仰夫帝君掌上界文衡化身於一十
七世攝人間座主司訓於千萬億年孝友標型八
垓錫福宗師握教六合宏文豈但洛水珊瑚陰歸
鐵網猶如江陽桃李默膺春風也邑城西關外有
山北來疊天矯之遊龍忽臨江而昂首發文明之

敘州府志

卷十二

寺觀

五

富順

秀氣每裛露以凝煙斯固閭境鍾祥巨靈一臂抑
亦諸僊降祉保障金川山之嶺創玉霄觀觀前卽
帝君之祠每聖誕邑令率紳士商民焚祝其中庭
燎殿麝錦帛伶觴煌煌巨典迭爲成規閱歲數十
長迓福以承庥且攄忱而報澤固宜傳之奕禩永
贊斯文者但祠賴有僧僧尤賴有田焚獻無資其
禮終替幸耆老王秦玉者於康熙三十一年以田
若干畝捨僧麗彌迨僧恰茶毘田幾浪暨邑侯張
公來尹茲土慨然念嗣祿之主宰而思有以培植
風徽爰允紳士所請將前田撥歸本祠永爲常住

以資裸祝差勘糧外更立執照坐落四至厯厯分明而田與祠祠與僧一舉而三善備焉將見淡淡朝煙散爐香而上達逢逢暮鼓隨江勢以和鳴挹嵐氣於眉端文峯聳翠對春光而寫意墨跡搖青不獨壽拜南山宏開二月亦自恩覃北闕長發千秋

興教寺 在西門外明正統二年建

周雍記凡大物之興廢成敗雖相尋於無窮而其興廢補弊則在乎人立心之堅與不堅爲善之力與不力也何也爲善力者人樂從立心堅者成功

敘州府志

卷十二

寺觀

三

富順

速自古及今莫不皆然若興教禪寺在富順縣治之西其興廢不知何時惟存故址一日住持會公宗遠暨邑善士劉公存德相與惻然興念議欲重修之遂捐已資先構法堂方丈庖廩之細以備居處復募邑之喜捨財者得羅緞布紗金穀等物度已足用於是鳩工掄材因舊址構正殿中外凡一十有六楹高四丈許深三丈有六尺廣倍深之四尺塗蓋獸脊甌瓦灰鐵竹石丹漆與凡所當用之類莫不畢給通計所用約銀二百兩有奇旣落成劉存德走余請曰吾屬生長安樂於太平之世皆

君上賜也藉佛力以爲報則吾小民之心也願不
鄙而以文勒諸石庶後來者知斯寺不爲徒然作
也余惟天下寺觀之作固皆所以祝福於吾君而
福萃於一人所以及天下天下受福興廢補弊之
人甯有不與者乎以是知立心堅爲善力者于存
德有也是役也經始於正統丁巳之季春訖工於
戊午之三月己酉日也明知縣孫瑀詩暫投蕭寺
候征舟雨響空階起亂愁鬢有二毛因國老心無
一計爲身謀煙雲繞屋不知曉松竹滿園都是秋
高枕藤牀成熟睡分明清夢到神州

敘州府志 卷十二

寺觀

三

富順

國朝知縣錢紹隆詩朝來案牘苦糾紛跨馬城西坐
夕曛江入寒深無駭浪山當臘盡見春雲疎林落
葉殘僧掃野火畚田稚子焚不是經年銷戰伐那
能憩此挹清芬

同心觀 在縣東二里同心山今廢鐵佛尙存

資國寺 在北關外傍有羅浮洞唐大曆十三年僧

德曜建宋太平興國二年明洪武六年重修成化九

年邑人李本重鐫羅漢石像

邑人萬鈞重鐫羅漢記富順邑治之北陬有寺曰

資國粵自唐大曆十有二年僧德曜建立宋初太

平興國二年僧大本造石像開寶七年僧普智修羅漢洞逮元季兵燹基址荒蕪至我朝洪武六年僧覺明重修正殿寺之旁有石洞深五丈廣四丈高二丈有奇蓋天造地設非人力可爲幽致爽闇清涼可愛洞之內有羅漢像大者十八小者五百五十四第以厯歲滋久苔蘚蒙翳傾頽剝落者十有八九一日前翰林侍讀太常寺少卿李本偕義民余釗往遊於此顧瞻徘徊相謂曰此地爲吾邑之勝境往來名公鉅卿文人墨客遊賞於此者輒乘興題詠盤桓笑傲移日不去誠足以滌塵襟忘

俗態況本寺修造翻葺之功居多惟羅漢像舊雖有而零蝕者大半何以壯勝概而聳觀瞻乎於是命住持僧昌泰率眾捐資鳩工伐石易舊爲新仍施以金綵粧繪又市木爲供棹欄楯丹漆以侈麗之事完之日邑人犇走聚觀者咸嘖嘖驚嘆以爲制度之宏成功之速如是耶余謂人心協從盛事底成不可以無紀遂書以壽諸石成化九年仲春記宋知監周延雋詩茲辰始休沐夙駕出公府經造釋子居欽崎僅容戶雲林信樂耽安問非吾土眾香纔發春微雲忽蔽午敲石煎佳茗忘歸采

芳杜徘徊仍少留歸泛凌前浦卻顧衣上塵猶霑
山際雨人應謂俗牽箇箇良相苦

南山寺 在縣南一里今廢

巡撫曾省吾詩空際橋南出攀依一徑荒迴思散
鳧影近喜合龍光

東山寺 在縣東三里一名雲隱禪寺

邑孝廉王懋仁詩搖落秋風此日晴南浦江邊取
次行一帶東山郭外橫砧砑石徑碧雲平訪古懷
賢情往復霜林敲磴猶肅肅六子芳踪半雲霧風
搖石嶺千竿竹

敘州府志

卷十二

寺觀

五

富順

臨江寺 一名半邊寺在縣西五里依崖架屋故名

明時建

周麟同友人觀郊外迎春飲臨江寺詩連臂探花
傍水頻蘭臺首奪一枝春將持北斗澆詩癖况得
東風動酒鱗園主未通趨竹徑仙郎慢笑坐天津
相期上苑聞鷺日猶賦糟邱館什新

聖燈寺 在縣西五里聖燈山

邑人李芝遊聖燈寺詩豈憶流芳暮登臨此日同
閒庭新雨後蓮界亂花中窗靜微香度廊迴曲徑
通相看雙鬢白慙對佛燈紅

普門寺 在縣西二十里鄧井關明正統八年建尙書甘爲霖曾顏其坊曰榮江勝境

斗牛寺 在縣西二十里鄧井關

葉山寺 在縣北二十里石殿三層僧覺然植柏千株遠望葱蔚近秀崖場

署知縣金壇段玉裁詩幾度經過葉山寺單椒秀

澤迥難攀停輿忽憶舊遊地恰似臨沉紫氣山貴州

玉屏縣城內有紫氣山竹樹森翠梵宇妍雅余愛登之

團標寺 在縣南二十里康熙二十年湖廣副總兵邑人余化龍捐修鑄銅佛八尊並施常住田地

徽州府志 卷十二

寺觀

羊

高順

華山寺 在縣北三十里成化三十年建雍正七年重修住持僧會司文雅

佛見洞寺 在縣東三十里冬溫夏涼相傳萬曆戊午年有盧姓聞鐘聲中現佛像因建宇焉進士熊師旦鐫其額曰佛見洞天乾隆九年重修

金田寺 在縣南四十里青山峽之右成化年間重修有建文帝像尙書周洪謨有八景詩屏序不傳

劉蒞建文從遊十一先生記嘗讀唐史武德九年事秦王世民殺太子建成齊王元吉同氣操刃喋血禁庭未嘗不廢書而嘆也又讀宋史太平興國

四年事綱目書皇子武功郡王德昭自殺一弟兩
姪俱不得其死悲夫余竊訝唐宋兩朝諸臣如趙
普薛居正房元齡長孫無忌等終不能委曲匡救
默輔而調停之豈處人骨肉間有難以語人者歟
何忍坐視其慘刻蔑倫至於此極也明永樂元年
靖難兵起以周公而奪成王之位直亘古之所未
有則成祖行事更出於李世民趙匡義之下矣余
所怪者建文皇帝於大內落髮出亡至滇之永嘉
寺復由重慶抵襄陽入吳遊天台鴈宕託足空門
踪跡往來遍天下幾四十年卒能免於難此其勝

於建成元吉德昭者萬萬矣况當是時成祖密偵
備至數遣胡濙鄭和等往來雲貴而建文遊行匿
跡於滇黔浙粵吳楚之間安然無恙者爲悉考從
亡本末則程濟等十一先生之力居多焉以視唐
宋諸臣其節概相去豈不遠哉其爲道人而始終
保衛不辭困險婉轉盡死力者則編修程濟也爲
比邱而陰相往來隨所之著力者御史葉希賢吳
王教授楊應能也其三至滇者則史仲彬一至者
雪和尚郭節與程亨焦雲也至滇而去去復來而
病死於蕭寺者馮淮黃直也密訪師而相遇於雲

南道中相對慟哭退而自縊於亭驛以絕口者工部尚書嚴震也曾留宿而終身不言陰護之於滇者黔國公沐晟也而廖平梁良玉王資金焦等不至滇者不與焉於戲以文帝之英武嚴察建文之優柔儒懦而行遯於天涯地角始終曲折以脫虎口自非十一先生盡心竭力委其身以保護之其亦難矣歷觀古今忠烈名臣炳耀史冊雖綱常之凜凜實殺身以成仁不則自重其死或將隱忍有爲不屑小節以冀大功耳在當時仁宗宣宗聖明接武而十一先生獨奮不顧身馳驅憔悴死相隨

於爲僧爲道必無所能爲之君則更奇矣使諸公而有所希冀則必不能全其君或藏名不深亦必不能全其身不爲功不爲名而顛沛流離東西南北積四十年之久諸公其何所爲乎蓋君臣大義誠不可解於天地之間者所爲竭股肱之力繼之以忠貞諸公有焉余守武陽時登獅山得瞻禮建文之祠與像想當年跋胡蹙尾之凶諸先生悲歌飲泣之狀歷歷如在目前事隱三百年未有表章之者誠爲缺然吾同友馮甦遺書囑曰建文踪跡不止在蜀蜀亦不在吾邑今寺中有像則立諸公

之主以配享其旁誠天理人心所不可少之事也
余曰唯唯憶余幼時論史及方正學章詔號哭每
黯然泣下方今桑海屢易金陵王氣消歇已久而
二祖十三宗之鴻功偉烈俱已霧捲雲收土崩瓦
解獨建文祠堂俎豆猶新徽型如昨而從亡十一
先生松柏爲心風霜其操田夫野老迄今猶稱頌
之勿衰雖當日南遊瘴嶺北望天門備極辛苦而
側身天地上下古今孰得孰失不過幾局殘棋邯
鄲一夢爲十一先生者其亦可無龍歸滄海鳳返
丹山之嘆矣康熙七年僧水谷建閣成仍祠建文

之像於閣因爲敘其從亡自滇者十一人題其主
曰明建文從亡忠臣某某之位旁註其姓氏不詳
其官爵里邑者明諸公之心願爲比邱爲道人願
死於道路知有君而不知有其官且不知有其身
也以余歷覽六朝五代遼金宋元之間大倫不講
久矣而有明十一先生忠貫金石名並乾坤若此
於戲君臣之義豈不在人哉程濟和建文金田寺
詩吳霜點點鬢毛侵不改惟餘匪石心作客歲寒
應自久避人崖壑未曾深虎龍追逐知心少魚雁
依稀遠信沉回首金陵悲往事短筇高岫一登臨

季長春金田寺詩祇林列炬散昏鴉把酒空山鼓
角譁午夜真成探虎穴扁舟猶自傍鷗沙向來鐘
後僧歸少此去燈前客到賒白社他年逢說偈與
君請聽演三車

鹿苑寺 縣東五十里在青山之麓明秀淨幽山水
奇勝

龍鳳寺 縣東五十里

邑人周麟八景記龍鳳寺在富順沿江而下之五
十里樞繩杜兄偕伯仲輩修世業於此而山忘歷
日寒盡不知竟歲把翫蟲素史傳詩卷帖集於是

染穎落煙令一世墨客不得與之平分今古劬則
披襟當風枕泉漱石而山川卉木一經笑盼倍生
色韻徙倚龍鳳之阿一溪一壑皆不減秦人月下
窺花源甲子聞捷目屬在枌榆與越在別郡之才
子韻豪黃童白叟靡不連袂而口之美龍鳳一片
地有同元圃仇池蘭芳幽徑吸其香固應爾爾相
傳八景以其巘勢鳳翔而象踞名鳳山名象麓更
足訝者昔龍鳳僧於古井忽得佛像傳事至今信
華嚴之從地湧出蓋無代不赫厥靈焉復觀玉帶
泉之遠而黛山射波流觴泛曲何止足當湘澤之

需耶况頽眺九龍鑠關仙馬留跡而行吟客與懷
古情深豈異化自長房之竹躍自雷生之劍揮王
武子之鞭調韓君平之馬哉鳴鐘飛獻者昔寺僧
夢此鐘以飛至之奇自相與語及寤臨水往眎三
吼洪聲後取之出而所鑄姓自幽奇滅沒皆咄嗟
莫可辨然則九鼎入秦而飛投泗水未必宋紀盡
廬蜀桐相叩而能鳴吳石宜其張華獨知卽霜降
豐山之鳴水濱得姑洗之角安用奇之至琉璃水
簾則如九華爲天地一尤物等之雲錦月鉤之巧
非由追琢不知其何以乃爾也予覽太白寄趙徵

敘州府志

卷十二

寺觀

三

富順

君詩國門遙天外鄉路遠山隔朝憶相如臺夕夢
子雲宅鄭谷詩雪下文君沽酒市雲藏李白讀書
山夫有馬雲太白其人則其臺其宅其山皆可思
可詠山川景物之因人而顯無代無之况原本山
川極命草木史氏職也樞繩兄之仙里多奇景如
銀蛇戲水久載在志彙紀之歌什竹崑則有宋狀
元鄭清之之詩賦清之先生官侍郎皇明則有解
元黃公仕儁與駱公禹并以甲科至侍郎於是傳
聞有侍郎溪以三侍郎著名嗣是則進士景公璋
韋公璠樞繩兄之伯父杜公遊奇與同事毛公鳳

苞一時冠蓋若雲共生色於勝地凡此皆晉蜀王
謝而此後之山東英妙雒陽才子實繁有人八景
其附聲施於不朽矣樞繩兄秉纂修載筆時凡金
馬同盟遙羨龍鳳一片地其憶若相如臺夢若子
雲宅思若李白讀書山耶天啟七年丁卯四月一
日

隆興寺 在縣南五十里宋皇祐六年建純熙甲辰
重修

皇朝康熙丁酉貢生丁翹補修

陳坤宿寺感懷詩 扶筇來古刹屈指恰三年秋月

敘州府志

卷十二

寺觀

美

富順

原相識寒花舊有緣不堪追往事猶賴臥殘編明
日扁舟去青山深處眠

寶乘寺 在縣西五十里明宏治五年建

劉用中詔起滇雲展象山祖墓宿寶乘寺詩恩寵
重承使命臨西阡遙指宿禪林陽升葵藿輪丹悃
風掃松楸展寸心馬踏雲山添雅興鐘喧鼓吹助
佳陰錙流欵接多珍重何用紗籠抵萬金曾大父
仕武宗朝僉滇南臬閣瑾索賂亡所入勒歸田里
瑾誅中外交薦世廟癸未之歲前官起家祀二世
祖塋於寺賦詩油然忠孝之思溢於言表家乘偶

逸辛丑之龍亦以松楸之行僧出詩覽焉不啻天
球河圖留然以喜同觀者殿卿弟兒堯鉉泉二三
密戚同李大宗伯元甫先生而下咸有味和以彰
盛徽受簡傳之不朽云之龍識李長春和韻賜環
當日乘輅客覽勝曾過祇樹林怪石崿呀依佛趾
疎燈縹緲照禪心靜聽永夜蓮花漏間作空齋貝
葉唵浩劫尙留遺墨在布來應不羨橫金劉承諏
詩鳴騶當日想登臨猿鶴驚看起暮林馬鬣近瞻
根本地螭頭遙繫對揚心東山眞爲蒼生起梁父
甯終白首陔寶墨淋漓經術遠韋家原不重籛金

劉之龍詩青郊策馬翠微臨鴈塔孤標古刹林雲
護風旛干劫石

寺創自宋有石燈懸定慧十方心絕奇名揚旛石

百年弓冶驩輿頌丈室琳瑯見雅唵遙想殷勤篤

棊日高臺薊北有黃金再和六詔風煙此再臨十

年回首舊山林坎坷不改承家節骯髒從來報主

心紫氣蒼龍寒短劍青松白馬動長唵夜深光落

雙祇樹聲重天臺擲地金劉之藩詩薊北天開曉

日臨一時耆舊總如林重飛六詔風霜色不負三

朝夙夜心靜對禪燈翻秘偈閒揮彩筆發豪唵星

輶彷彿遊南越只少歸來滿橐金劉之柱詩梵嶺

岩巖乍一臨先人藻翰重鷄林卽看詔起垂綸日
猶自歸來匪石心偃蹇蘇門空坐笑棲遲澤畔苦
行唵霸輝百尺通霄漢不歎須彌色界金劉堯欽
詩徵書極北考槃臨耆碩恩光動士林酬主忠勤
廿載節承家水木百年心慈雲滿護青蓮界寶墨
昭回白雪吟傳世歸來亡長物犀昆采采重橫金
劉大武詩并序康熙癸巳春武以展象山墓入古
寺見楹柱斗拱間懸一塵霧匾額梯視之則楚藩
伯祖萬厯辛丑見五世祖憲副公遺墨公孫父子
暨同邑宗伯棠軒李公賦和誌喜詩也今於一百

敘州府志

卷十二

寺觀

三

富順

一十三年見之恭賡原韻濟濟當年冠蓋臨德星
雲漢聚禪林宏通繼起光先澤簪笏承休報主心
耆碩威儀儼洛社性情風雅邁唐陰斯文未做知
天意清白傳家勝積金

羅漢寺 縣南六十里明正統十一年建

於前
皇朝康熙六年重修乾隆十四年僧慧明捐募修關帝廟

明修撰楊慎冬日宿羅漢寺詩霜林金碧迷青紅
木葉蕭蕭澄遠空銀蛇淵渚亂吞吐上方樓殿森
玲瓏廊僧暝汲怯寒溜舟子夜語驚天風朝暎照

檻堪一望羨爾冥冥高遶鴻

金鳳寺 在縣東五十里崇禎十三年建

雙林寺 在縣南四十里成化年間建乾隆九年田峻張旭陽施田重修

金山寺 在縣北六十里明景泰中里人金珠建

大定寺 在縣南五十里元泰定年間建明宏治十四年僧如善重修尙書周洪謨記不傳

中興寺 縣西六十里明嘉靖年間建

皇朝順治僧嗣燈及隱南重修

進士萬世緯記城西去郭六十里許一山巖然懸

敘州府志

卷十二

寺觀

三

富順

石峭壁先民梵宇於上土人晏姓因以名寺大明嘉萬間僧寮茸茸率皆應福鎔侶甲申罹亂兵燹頻年億萬生靈靡有孑遺寺與僧蕭然不堪問矣泥團祖佛灌頂穿膝何殊雪山當年越十年甲午禪師嗣燈本邑劉氏子曳杖到來維時哀鴻甫集寥若晨星師則駐錫於中芟荆剪蔓運土搬磚補整一楹爲棲禪所名中興禪院踰年老和尚密行受法自雙桂堂來是爲破山嫡子源流付囑嗣燈是爲破山嫡孫掩關三載禪期百二雲水兩堂森羅四座板响飯僧百餘桺鳴出作數十門廠孤迥

捧喝利生是山也從茲作選佛場矣師圓寂後上道隱南尋思三上九到參諸祖廷不甘讓古人由是羅舟東下自蜀而楚而粵京以南京以北以及江右吳浙間歷盡廣輿林笠歸來撚指十年師之派徒明珍及行僧慶穩真性等將中後兩殿次第修完隱南自捐衣鉢前殿兩廡亦俱告成此公振祖父家風闡西來密旨不必瞬目揚眉何須拈養豎拂本分冰消心空杲日非文僧行僧詩僧高僧可同日語也嗟乎閱二十五年其功乃竣創建爲難亶其然乎是役也由始終捐金助道任怨任勞

多方護持者休休居士用力宏多王姓諱懋賞字貺之融通二氏人也功成勒石永刊不休其後法道綿長寢昌寢熾月朔及望上祝 聖朝有道下資黎庶雍熙無謂中興爲小結構也是爲記

朝陽寺 在縣 六十里左有朝陽洞右有鏡鉸山
崇禎二年建

葛仙寺 在縣東七十里一名崇果寺宋純熙甲辰建宗伯李長春致政歸以其寺曠窅崖壁峻立常詠遊寺中四川布政使修撰李維楨題龍門行窩額內江河起鳴題第一名山李長春有記宋明題刻甚多

宋刻羊腸百折滑側足踏險衝泥訪葛公當是山
靈亦相斬竹輿常在雨聲中大笑抵掌欲絕倒萬
事可憐今世間不應天公亦翻覆送雲送雨上西
山浮遊大白惜分襟不特於吾有斷金歡喜使君
多善政亂山深處尙謳吟 鄭晁叔兼父自富義
赴官甯州過葛仙山訪大景使君李深甫相眷眷
惜別以酒見酌徑醉正風雨泥淖君徑盤道三日
迺至山輿中哦此詩遂留書山間乾道四年戊子
仲夏十一日 仙山斜日眺蒼霞把酒憑高四望
賒綠水細春雲確藥丹楓晴染玉爐砂林間掬井

敘州府志

卷十二

寺觀

聖

富順

虬龍起臺上吹笙怖鶴譁呼吸似應通帝座誰將
笑語入天家 萬曆甲辰九月侍家大人六遊葛
山六如李允祥書 萬曆甲辰九月二十四日同
宋泰卿元交甘濟時叔與李長榮仁甫李允祥雲
卿遊大葛山共飲仙臺之下余入石龕中結跏趺
坐引滿浮白聽越客吟呼童立臺畔吹洞簫以和
之酣暢丙夜始返禪房兩宿李長春題丙江梅友
松詩放舸追隨大葛遊峯連小葛景同收怪來紐
石遺仙掌總爲吾儕供眺眸回首風塵俱浪跡側
身天地一浮鷗香山肯許重訂約歲取留題作棹

謚龔懋賢詩生平小葛嘆蹉跎大葛憑君始放舸
仙掌尙看籠紫氣野懷猶自戀青蓑眼前世界只
如此頭上天宮高幾多坐對月明留不去騎牛老
子奈予何甘濟時詩飛鳥遙從玉局來三花掌上
爲誰開纔知學士焚香地卻是真人跨鶴臺一抹
峩眉如對疊幾排闥闔足啣杯琇巖亦有丹砂種
九轉從將問化胎滇洱李崇階戊午秋同潛夫天
峯開土遊葛仙步石壁韻幽尋幾度憾蹉跎共向
西風一買舸碧滲丹泉何代井蓬飛石髮此峯藁
山川不覺經秋老詞賦空憐蝕蘚多幾片斷雲干

丈壑其如仙去不歸何浩眺冥搜挈侶遊秋高山
水一囊收天將絕嘯留真境雨引空江潑遠眸烏
兔兩丸金鍊液英雄幾輩漿推鷗罡風吹得千巖
醒谷應松篁解嘯謳軒軒遺像醮初霞觀止生人
道氣除有晉書終懷抱樸無勾漏漫請硃砂煙攜
老衲藤偏疾鳥助騷人語不譁傳道此真翁自寫
可容寫處識翁家但能遊卽是行仙江上孤峯許
醉眠會佛如來都是藥了將心去別無緣人因火
井疑丹井我向金川尋稚川蘿薜初衣今幸遂相
攜物外定何年

碧雲寺 在縣西五十里宋純熙年間建明永樂二年重修

宋味韶和碧園老人詩林泉深處占清幽竹杖綸巾六十秋醉裏有詩酬草木枕邊無夢作公侯牙籤插架因兒買樽酒芻藜爲客留一自騎鯨蓬島去年年風雨使人愁

古皇洞寺 在縣西七十里崇禎間建佛座下一井相傳有蟒時或出現

石盤寺 在縣東七十里崇山之脊有巨石如盤因名萬曆十九年建

敘州府志

卷十二

寺觀

聖

富順

聖果寺 在縣北六十里近牛佛渡景泰二年張國獻李政建

鎮虎寺 在縣東六十里青山峽之嶺爲縣治白虎故名萬曆間僧悟倫建

皇朝康熙五十九年重修

邑人陳盟詩曉破寒煙到碧虛危峯喜結化人廬捫雲誤入三天竺失腳深探上帝居巢鶴不驚前度客鉢龍飽聽夕叅魚誰知廿載經殘劫那怪風塵短鬢疎

詔興寺 治下東八十里接瀘州界在高山巖下巖

湧清泉朝夕不涸宋時建康熙三十一年重修近古
佛場五里

周麟詩銀浦何年天外落上方化作玉泉流溪山
恐復逢三笑林麓翻疑到十洲翠色成雲清倦眼
松濤響梵釋閒愁探奇難別維摩丈金馬還思此
日遊

石佛寺 在縣西六十里巖下有石筍一株高四丈
餘洪武時大遼波利國王清林太子覺代建

淨明庵 在縣西七十里明副使黃允施田建

毘盧寺 在縣北七十里永樂九年建近何家場

敘州府志

卷十二

寺觀

富順

富順

海潮寺 在縣西九十里自流井明時建有方伯李

氏孝義碑

珍珠寺 在縣北一百里

天竺庵 在自流井龍壩

周祀月夜懷李案臣詩本不因明月其如明月何
伊人誠契濶而我獨悲歌

高峯寺 在縣西一百里井廠西南成化六年僧圓
常圓泰募建萬曆二年重修法堂周鎔記

皇朝有賴生和尚寓寺與知縣洪憲新倡和後有雪浦重
修爲邑西名刹

邑人周鎔記浮屠家修出世法棲心習淨極意清絕往往廬名山巔動稱洞天福地以迴奇而達士學儒高步遠覽振衣舒嘯亦每每藉名勝以寄遇趨不爲謀務不爲參而迹或相成要有所託肇矣惟高峯卓立鳳邨仰挹三峩吾富順西陬一勝吾宗世居其麓歷來隱達及里諸君子率登眺遊息其間又吾人假館一際然自有寺以來殿廊創而或革久而或傾寺僧日增未已也茲寺僧名自祿於法堂前堦墀砌以石簷蓋軒以彩於是暗者爽質者聖且莊嚴法身十座壁間羅漢諸容工完請

記夫法堂以演教化也曾聞西來法旨自三十二相三千大界中種種色色諸遍微渺體皆比丘尼一切度滅了無所在有無本無無亦無是謂究竟於法既無何況於相於界既空何況於宇非若吾道之順天則踐形色而物付物也又非若吾黨之括宇宙一家國而舉幘幪也業其門者乃專若志苦若行闡若教宏若緒如祿僧者幼盲於日晚以緣業復明若有得於究竟是廬山者宗西彌則然也其登山者則宗東泰也吾法堂前草可盈尺乎達觀以究竟吾志行又當何如必有名古今如

文忠爲金山重靖節爲東林重則斯山殆胥勗地
矣記之甯以言說混浮圖哉邑人李謨遊高峯訪
雪浦未遇兼懷懶生題壁詩乘興登山興盡歸蒼
苔滿地菜花稀生生死死兩何處犬吠人敲白板
扉邑人李芝詩舊疾因春減新期觸緒增索居遺
歲月賞勝步峻嶒路自修篁人人隨獨鳥升清陰
簷蕭蕭颯爽日稜稜寂憩貪幽室沉冥悟定僧佐
言茶似乳供飯酒如澗石古碑堪識苔鮮翠不勝
營巢鳩喚子得食鴿呼朋卽日饒佳趣開懷悵遠
凭三莪青未了萬點綠相矜淡靄村村合濃嵐面

敘州府志

卷十二

寺觀

巽

富順

面層蜿蜒溝百疊綺錯樹千層幻世春中夢長生
座上燈何時了塵累矯首揖南能

朝天寺 在縣北一百里峯頂兀出古樹圍護蒼秀
上可望數百里明成化年間建

娑羅寺 在縣西一百二十里明嘉靖十四年建

皇朝余定龍定伯施山田

高洞寺 在縣西一百里自流井北

王渾仁詩白日不照地青松蔭短垣泉聲時在樹
妙香生靜軒廿年苦奔役到此清心塊還泣前山
路不得憩黃昏晚眺未作清曠遊耳目何清曠極

邊山似雲蒼莽不可狀

並舊縣志

迴瀾塔 邑東

朱堅迴瀾塔記并田廢而郡邑分吏治修而循良出漢魏唐宋之隆未有不先民牧而課最者百里才豈易易許可哉余自弱冠通籍攝職刑曹備員風憲久與邑人士相關別矣及奉養歸里適同年勤齋陳侯來宰吾邑甫下車卽諄諄然以敦土物培文風爲先務謂邑之東有山自巽而入者舊有塔已就頽圻宜復而增之邑之西有江自東而下者水勢奔放宜建塔以鎮之其說雖近於形家之

瑣言而其意實本諸立政之大體也侯首捐廉五百緡爲倡以次樂輸鱗集伐石鳩工閱歲一易而功始竣觀成之日侯與邑人士招余遊其上見夫塔勢干霄青雲直上不勝坐鎮雅俗之感矣塔影橫江水光接天不勝江湖廊廟之思矣羣峯環繞萬壑奔騰對此茫茫百端交集更不勝憂樂已任之懷矣迴憶與侯都門聚首曾幾何時而其精於吏治勤於民隱顧如其深且遠哉兩塔成侯旋晉秩雷波府貳邑人士不忍侯之去而又不能借爲留也於是祝侯之長生而壽以牌如甘棠之有

遺愛焉紀侯之德政而樹以碑如峴山之有餘慕焉侯真為不朽矣異日者化行俗美比戶可封地脈鍾靈人文競秀民之福歟侯之賜歟余於斯亦

叨末光焉據新縣志增

南溪縣

萬壽寺 在城中大街宋熙甯間建明嘉靖中重修

廣福寺 在城西大街宋熙甯間建明嘉靖中重修

萬壽宮 在城南順城街雍正中建

南華宮 在城南順城街雍正中建

榮祿宮 在城南錦江門乾隆中建

敘州府志 卷十二

寺觀

吳

南溪

三元宮 在城內桂花街明崇禎中建

三清殿 在城西大街明崇禎中建並縣志

資聖院 舊志無考通志輿地碑目山谷臥軒石在

南溪縣資聖院縣志

孫諤資聖院詩傍竹沿溪茶數柯報君指下莫傷

他來年更有新條在贏得東風雨後多攜籃過嶺

掇龍芽嫩葉新枝帶露華活火覓泉和月煮不知

正味落誰家剪茶山北與山南收得龍芽綠滿籃

七碗消除高士渴更無塵夢到茅菴又四山藏一

寺方丈壓諸峯回首坐禪處白雲深幾重新附

三皇宮 在城南廣福門內乾隆四十年建縣志

龍騰寺 在縣東三里卽龍慶寺建自唐宋歷元明

增修縣志

楊名龍騰寺賦別熊南沙詩憶昔與君少壯時洋
洋騎馬趣京師看花問榜結兄弟心期甯若游俠
兒後來蹤跡多阻絕祇今已是十年別雲漢塗泥
音信疎病軀幸免膏魚鼈放歸謝客棲林邱聞君
才調卑前修隱有經綸成國是終看黼黻資皇猷
往年使者經鄉縣傳云不幸遭家變小舟未向山
陰乘生芻尙缺封邱奠雲山西望時增吁偶煩尺

敘州府志

卷十二

寺觀

吳

南溪

素遠招呼舊情高興兩奇絕交道今人豈卽無蕭
條十日臨宅里一見風流非昔比把臂慰勞淚落
泉座中秉燭勤相視飄飄書劍同出門殊方骨肉
多溫存夜牀風雨話心曲遠山車馬聞元論野人
正自苦離索遨遊更幸隨鵬翮盃酒龍騰月下斟
可憐又作孤征客孤征客將誰依江干回首魂飛
飛人生萬事如流水異時會聚那可得君心念我
厚贈我以瓊玖相看不忍言欲去重攜手攜手丁
甯道年華易衰老此身譬寶鼎安置勿草草打鼓
開頭歌一聲孤舟渺渺大江橫與君眼底成萬里

記取夜來座上盟莫愧龍騰罔此生新附

玉皇觀 在縣東三里明時建

觀音閣 在縣東五里乾隆四十年建

正教堂 在縣西關外乾隆四十七年知縣楚維榮重修

觀音寺 在城東北隅明隆慶五年建

紫雲宮 卽王爺廟又名楊四將軍廟考珙縣志神姓楊名再興宋岳武穆王部將也並縣志

留賓寺 在縣東二十里明正統元年建縣志

邑人楊璞留賓寺碑記游兵古戍鎮也鎮西北有

敘州府志

卷十二

寺觀

三

南溪

寺曰龍池創始不知自何許故老相傳鎮之置在明玉珍天統初是寺之創或其時也世移鎮改寺亦莽然正統初有葺遺址者僅能識寺彷彿景泰間僧楊果林頗致開拓尙未能恢恢乎廣前業也果林之徒昌清月潭始創所謂法堂者三間所謂齋廊者左右各九間殿之後復立方丈一莫不巍然高且大殿之中增置金像聲之以鼓鐘列之以爐鼎始兀然爲雲山月溪一妙色世界其於前業已謂廣矣一日詔諸徒子諗之曰梵宮有八龍神四天王汝等知其義乎始來萬魔未靖魑魅魍魎

充斥當途龍神伏其雄天王寢其威是十二神者未嘗聞所謂法亦未嘗知所謂善皆逞雄耀威失所謂慈悲心歡喜智者也然無以制之則眾生爲其所苦煩惱爲其所造法門宏願本空而反礙矣諸刹門內設天王像蓋猶禹鼎鑄而知神姦使民入山林不逢不若意也此獨闕焉當與汝等共成之眾應曰諾乃簡於鄉耆有才力者庀工掄材咸實資之先畚土築基使完實梁柱并豎楣椽斗拱瓦鱗溜碧簷牙啄空繚以闌檻崇以階廉規模之成翼如也落成請予爲記夫人有才智者爲人所

敘州府志

卷十二

寺觀

至

南溪

不能爲知人所不及知知與行嘗相須理與事不同行知理之正則行正而事亦正矣使窮理未盡則所知必偏而事失其正行異其轍是故惡乎才智者爲其鑿也浮屠月潭能因區區遺址隆其居而廣其業其才與智非庸夫誠能移此以用於事君則將爲忠臣而有所謂獻可者焉用於事親則將爲孝子而有所謂幹蠱者焉歸而求之則理之正與偏必有以察其幾而致其決矣甯至鑿其用而異其轍哉是爲記

新附

望水寺

在縣東北三十里

縣志

普惠寺 在縣東十里縣志

知縣高暘聞普惠寺鐘聲詩傍嶺僧房傍曉鐘悠

然金闕控飛龍即此山名蓮生馬湛溪名翻晴雪偈感雞

鳴山名逐曉風灘震遏雲頻擊鼓寺對岸為銅鼓灘溪尋摩

稻溪漫扶筇羣仙此日成嘉會鳳管鸞笙喜再逢

邑人稅惟學和韻古刹蒼涼度曉鐘誰司擊搏振

飛龍晴開碧霧僧敲鉢露滴虬枝鶴唳風松淨落

花眠石磴藤牽刺蔓繫遊蹤一聲清越甦塵夢大

小乘禪問旨宗新附

龍巖寺 在縣南六十里今名楚皇寺明洪武二年

敘州府志

卷十二

寺觀

三

南溪

建縣志

白雲寺 在縣東北五十里縣志

邑人楊名白雲第一禪林碑記白雲寺南溪古刹

也舊無碑記住持覺愛勝杞妙潤等因余憇榻者

數四請予記以紀其顛末予因公暇遍閱寺之左

右前後雄峙一方真足以為諸佛崇祀處也寺僧

百餘人烝烝向父凡一鄉長惡弗悛之徒瞻拜於

此皆知不善知當徙亦從而為善士矣予先為搏

虎篇以寓戒勉之意又為白雲記以誌因革之典

已經勒石於後堂茲奚容贅哉蓋喜其改過而遷

善也又不容不釋其開創之原與今日落成之詳以爲之記寺始於元至正元年僧紹葢築壁土得石香爐一上鐫曰白雲寺地主徐應宗邑令無載不知何許人至宣德八年重建成化十三年邑主薄玉文鄉宦陳璠相繼修理知敘州府事胡公澧書大雄寶殿四字命龍騰驛丹粉之逮嘉靖間邑知縣毛鵬增修翰林編修玉元正書白雲禪寺四字至是廟貌尙皇軒楹整肅煥然大備矣是鄉之耆宦如經歷吳萬定吏目殷守甯鄭忠環寺之前後而居稔知茲寺之繇來昔日皆搢紳往來駐節

之所而其品題者種種皆佳翰也予因慨相沿之遠而成其勝概者非一人之所能致也且思寺以形勝人以勝傳自茲以還俾是鄉人歲時拈香入廟生敬桀驚之氣因之而馴良善之心油然而動則化民成俗斯寺與有功焉豈祇游目聘懷爲一方具瞻供士夫之駐節緇流之託處而已哉予嘉茲寺之清境而更爲之歌曰白兮白兮其無涅兮雲兮雲兮其入幻兮白雲在天猶在寺兮白雲在寺與天齊兮友風子雨澤我民兮山靈呵護其無窮兮知縣翁霖霖宿白雲寺詩僕馬倉皇且息鞭

白雲召我作高眠深林螢火風過竹隔隴蛙聲水
拍田話到三峩憑選佛借將一枕便遊仙夢回仍
是紅塵路鴻爪南溪已七年新附

仙臨寺

在縣東北三十里明嘉靖元年建縣志

知縣高暘仙臨寺詩高坎曾傳仙女臨飄搖色相
日森森石巖靜引煙雲裏喬木徐回鐘磬音幾度
輿人愁遠涉數聲牧笛落遐心何年得與王姬會
白鷗青鸞護盍簪邑人包學崧詩消暑尋幽勝瓊
宮絕巘培雲迷飛鳳閣月映降仙臺鳴珮隨風振
香蘇逐雨來松濤清夏簟梵唄繞春雷佳氣溶溶

敘州府志

卷十二

寺觀

寺

南溪

合晴煙縷縷開仙凡真有界片晌足悠哉新附

圓覺寺

在縣東北五十里明洪武中建縣志

邑人包學崧遊圓覺寺題壁詩蘭若瞻天際孤危
一徑通橋平臨曲水亭短度斜風石磴松陰落禪
關竹影籠來參不二偈會上最高峯詩思僧敲外
塵因蝶夢中惟餘無盡意留共壁霞紅僧三仁詩
三椽締結數峯西翠竹蒼松護石蹊雲色簷前看
鐵嶺風光門外有梅溪懸巖古澗奔濤近峭壁新
蘿牽月低了了心中無一物山花深處鳥飛啼新附

清香寺

在縣北四十五里明宏化初建

石鼓寺 在縣北七十里鐵峯山

白花寺 在縣北十五里

凌雲寺 在縣東五十里明天順七年建並縣志

東巖寺 在白雲里縣志

知縣高暘東巖寺并序東巖志感也余過新阜有寺在焉詢自洪武二十二年僧貞正始建歷成化正德間絡繹補葺迄茲巍然住持洪玉請記於予予戀關心勞望雲念切因僭擬古用展懷也陟彼東巖維石崔嵬瞻望漢北夙夜孔懷陟彼東巖林麓潑澗豁來青睞悠哉悠哉陟彼東巖鬱鬱山隈

敘州府志 卷十二

寺觀

五

南溪

美人香草惟栽者培陟彼東巖浩歌徘徊白雲裊裊予心孔摧陟彼東巖維竹與梅古香勁節永矢弗隕陟彼東巖闕闕九垓遠猷式奮震懾雲雷新附

積慶寺 在縣西北四十里宋時建

萬佛寺 在縣北四十五里明宏化初建

朝陽菴 在縣西六十五里

侯家寺 在縣北四十里有邑人侯良柱碑記今圯

聯雲寺 在縣北八十里明泰昌元年建

皇朝康熙六十年知縣王碩輔重修並縣志

開元寺 在縣北三十五里明正德十五年建縣志

邑人稅惟學遊開元寺詩曲徑通荒刹回臨天際
遙門關音寂寂樹古影蕭蕭危閣撐霄漢飛甍矗
斗刁四時花獻媚一徑竹干霄僻地禪栖穩名山
僧占饒幽懷適與洽小憩靜塵囂新附

羅龍寺 在縣西四十里

縣志

桂溪寺 在縣西五里萬厯年間建

縣志

邑人包本芳桂溪禪院詩一犬吠寒竹數峯青到
門溪烟肥碧靄山月瘦黃昏石澗蓮餘子霜乾稻
有孫畱人叢桂裏還悟木犀源新附

龍王寺 在縣西北四十五里明萬厯中建正殿後

敘州府志

卷十二

寺觀

美

南溪

有石洞廣丈餘相傳有龍見於此因名

幞頭寺 在縣北二十里

朝陽洞 在縣西六十里

永峯寺 在縣北三十里

昊天觀 在縣南八十里明天啟二年建

龍船寺 在縣南七十里明洪武元年建寺有鐵柱

一相傳為仙所畱至今猶存

峯頂寺 在龍船寺後雍正五年建山形聳翠峭削

摩天

蘇家觀 在縣南四十里明宏化中建

慧光寺 在縣西李庄鎮初自前明今历年培修

高峯寺 在縣南六十里明萬曆中建

石牛寺 在縣南二十里

鸚嘴寺 在縣南三十里宋時建

上寒蓬寺 在縣南三十里明萬曆中建

洞真觀 在縣南三十五里明天啟中建

水流寺 在縣南十五里嘉靖中建交長甯界

毘盧寺 在縣南二十五里明洪武二年建

萬年寺 在縣南五十里萬曆十九年建

雲頂寺 一在縣南六十里雍正三年重建一在縣

敘州府志

卷十二

寺觀

七

南溪

南一百二十里明時建

地藏寺 在護國山縣南一百二十里明萬曆中劉

郭二將軍征珙戎夷寇駐兵於此

崇善寺 在縣西南八十里

旋螺殿 在縣西十里明時建

天宮菴 在縣北觀音鋪明萬曆四十六年邑人侯

良柱重建知縣唐良棐撰文今圯並縣志

青龍閣 在縣東門外數武武侯祠前道光十七年

知縣翁紹海初建咸豐十一年燬於火同治五年知

縣雷爾卿重修縣志

知縣雷爾卿青龍龍騰二閣記南邑舊有二閣東門外曰青龍違青龍八九里屹然立於江中者曰瀛洲所以表形勝而壯觀瞻也厥後城外居民不戒於火延及青龍而瀛洲一閣歸然獨存殊失作者之意乙丑歲予承乏司土邑士以重修青龍請意在培文風也予不解地理但觀東門外地勢卑窪以扶陽抑陰之義推之東方陽也卑者起之廢者修之亦扶陽之說也然自青龍迤邐而東江水疏鑿其卑更甚幸有龍騰一山稍爲之障顧其勢寬衍而宏敞非建巨閣不足以鎮之豈惟青龍宜

重修而已哉議既定籌款鳩工越十三月而工竣邑士請錫嘉名予不揣固陋謂舊閣當仍其名新閣顏以龍騰亦因其山也從此三閣相映鬱爲奇觀形勝爲何如耶更願邑人士奮發有爲上之爲性命之學勿以記誦詞章自矜次之爲經濟之才亦無以富貴利達自詡則人文蔚起山川亦覺生色矣徒侈鬱葱佳氣云爾哉新附

龍騰閣 在縣東二里許第一旋於左龍橋環於右閣跨兩山之間俯瞰大江高峯聳峙識者以爲貴人騎天馬主文明之象而形勝尤推闔邑最同治五年

知縣雷爾卿初捐修建凡三層上祀 奎宿中祀

朱衣神下祀 關帝自建後文風丕振邑人羅肅即

於癸酉科領解聯捷成進士不可謂非閣之所致也

瀛洲閣 在縣東八里中流有洲閣建其上傑構凌

虛空絕依傍唐人二水中分白鷺洲之詩可以移繪

其概乾隆五十三年大水冲圯道光十七年知縣翁

紹海初捐重修上祀 奎宿額題中流砥柱四字縣志

〔邑教諭何毓聰建修瀛洲閣碑記瀛洲仙源古島

也水落石出則繡壤延聯水泛舟浮則中流鎖鎮

左銅鼓灘右麒麟潭都人士泛艇往來登臨延眺

敘州府志

卷十二

寺觀

五

南溪

見其飛鳧馳突於中流屬玉棲遲於淺渚低徊留

之不能去有明建亭閣於上回顧城闐形如砥柱

真勝蹟矣歷久傾圯廢址莽然士紳均有更修志

未果前明府高陳二公相繼宰茲邑諭諸弟子員

沿基建閣暨王明府諱鳳臨來訪諸父老流連古

蹟知其地為治東要區擊慨者久之而又以其度

狹而不大觀商諸邑人士時有若楊子安邦高子

商玉包子鴻李子大中曾子達章李子文蔚皆尚

義士也爰破吝倡捐按其地之周遭於閣者悉為

購買除修建外餘地歲收租銀若干兩悉歸於閣

以爲歷年補葺之費王明府亟嘉之更捐廉三百兩以爲士民倡庀材鳩工卽命諸子分董其事前建岑閣五層後建文昌祠三級左右廂房各三楹閣前建坊秩然有條工肇乾隆戊寅季春竣於己卯仲秋士民踴躍甫一載而觀厥成自是登臨其地者俯仰之際目曠神怡將不禁舞雩崇德之感文明益盛之思云邑人郭城瀛洲閣詩徒聞海外有瀛洲此地稱名亦偶侔四面大江全抱寺千尋傑閣半臨流廉纖雨洗琅玕竹洒落人居縹緲樓莫謂仙凡真箇隔桃花浪裏渡輕舟包本芳晚泊

敘州府志

卷十二

寺觀

卒

南溪

瀛洲閣詩晚天沙嶼泊扁舟萬頃澄波淡不流鸞鶴夢酣三島月魚龍吟破五更秋江城倒影浮前浦星斗聯珠聚上頭憶否廣寒宮裏事紫雲一曲落瀛洲唐毓彤春日偕友登瀛洲閣詩招朋攬勝步瀛洲小艇飄然去不留萬疊晴山環曲岸一條砥柱峙中流碧桃無語開樓角黃鳥多情喚渡頭興廢卅年緣底事斜陽滿目恨悠悠

斯閣初於前令尹翁君歲

久失修行將就圯矣○新附

長甯縣

聖興寺

在縣東半里卽古行香寺宋元以來南向

明景泰七年冬改北向歲時維國祝釐今舊址猶存
圓通寺 在縣東四十里四面峯攢溪隨山曲縣東
諸刹此獨幽間洵佳境也

真如寺 在馬嘶鋪側平岡突立地勢幽閒昔僧真
利有戒行爲寺住持着意補修寶界莊嚴遂冠諸刹

〔明司訓李天祿題云〕叢林深處野雲開春日郊行
策馬來西望夕陽山角隱一聲遙聽晚鐘催並縣志

西明寺 在佛來山上元至正間建唐道人卓錫於
此布金建寺明正統間僧妙鐸重建李慎齋學士記
略曰巖障巽我井泉甘冽林木交茂雲烟多態信乎

敘州府志

卷十二

寺觀

全

長甯

爲幽勝奇絕之境俗傳六月望後佛光現於山之西
灣間詢之士人云居山下數十年未嘗見焉縣志

〔明周洪謨重修西明禪寺記〕由長甯縣武甯溪而
東至舊安甯縣治眾山皆庳惟東南連山截然而
挺峙者佛來山也山自溪之東岸沿溪而來數十
里矩折而來又數里而勢始斷由安甯望之則如
方城峭壁切摩霄漢而莫窮其高登山之椒而望
焉則敘瀘郡邑山川條理悉在指顧之下其上據
勢之欲斷處爲佛刹焉名曰西明禪寺地位益高
山勢益險樓閣森聳松柏葱鬱泉甘而冽竹繁而

秀望之如東溟海市有宮闕物類或隱或現於沆
漭鴻濛之表以其高寒雖盛暑之夕亦復重綿每
雨既至雲氣斂盡始因霽留宿則復雨居人望之
可卜陰晴蓋由敘州而南山之迤邐荒徼者以千
百數未有勝於斯也予屢道安甯嘗欲一登而未
遂焉至今悵然僧圓善圓泰來請牒京師因詣予
謂寺創於前代古碑剝落莫究其始歲月既遠凋
敝彌甚吾師妙然與妙鐸率徒眾易而新之爲三
殿兩廊以妥佛像爲重屋以棲龔龕爲講堂以授
法戒與矣庖湏之所園田之屬靡不畢具以寺爲

普賢道場鑄銅爲普賢像其餘諸佛皆刻塑如式
願志之石以示將來予既失茲登覽之適而夢寐
猶若想見其勝於斯請也能無言乎因書其略以
俟吾他日展省之歸與朋輩一造以償夙願庶得
其勝於暢目放情之外而不徒載之言也舊傳佛
光常現於此因以名山今里之人謂清宵穀旦有
五色雲氣布空而來則必見焉

新附

龍泉寺 在縣西北七十里宋時磨巖鑄紫竹山彌

陀院六大字明正統間重建

縣志

天甯寺 在城東北溪岸高阜上卽古報恩寺明宣

德年間雷破其殿四柱宏治年間殿後建法堂雷復擊之

國朝以來邑令重加修葺紺宇維新叢林交蔭迥異前觀矣楊庚春日登覽詩曰東溪溪上小橋通行看桃花夾岸紅山意似知遊客到故催鳥語出林中又曲磴盤紆歷幾層琳宮高處又重登禪房四面簾櫳敞指點山名問老僧

縣志

知縣楊忠愛重修天甯寺釋迦佛碑記城東里許有天甯寺焉譽髦肄業於斯余嘗履其地見二水合流眾山聳翠擊節言曰偉哉瀘川一勝概也已

敘州府志

卷十二

寺觀

奎

長甯

而僧道澄重修告成持碑記請於予予非佞者究其合縣士民迎神賽會踴躍爭先盛稱佛教尊崇恐後則佛之舉動當即一二爲諸人表我佛位居東宮適值冲齡一聞敵人壓境挑戰即輕身率師以禦君父之難至敵人歸服納以女全師而歸歸則辭而父母棄而妻室遜碩膚於不居隱於雪山若懼勇略震主與外戚私交以逼父位之嫌矣佛之忠孝大節此其彰明較著者也彼英君毅辟之不從神堯而謂置我於何地也者甯非我佛之罪人耶說者謂其明心見性六年苦行所致不知前

之捍衛君父適本來之面目也我佛卽不得爲爲
臣爲子立標準而徒與遊手遊食開壇場毋乃泥
於寂滅苦空之過也噫佛以勇名而無勇功佛以
智名而無智迹方今民俗爭競遜讓風微余願效
佛之勇以保障地方效佛之智以力追雅道此卽
見如來登彼岸矣故求佛於後不若求佛於前奉
佛以迹不若師佛以心余叨命茲土愧不能以化
民故演佛之說以喚醒人心倘有味於斯言未必
無補於身心矣若佛而藉以邀福彼梁武唐憲宗
足爲前車余不敢知是寺也創建於宋元祐卓錫

敘州府志

卷十二

寺觀

寺

長甯

僧重建於明萬厯道澄僧一切經營功果余不暇

贅姑置之碑陰

新附

水流寺 在縣東九十里之凌家巖遠眺敘瀘之景
大江如帶

龍吟閣 在元武山上

劉真人觀 在平蓋山頂相傳劉景鶴修煉之地元
至元間建

昊天觀 在縣西北元至元間建

甯真觀 在縣西北元至元間建

並通志

毘盧寺 在安甯鎮北宋時建燹於元明永樂八年

重建今復增修完固

白塢寺 在涇灘岸上塢爲武侯所建後人建寺於側

開福寺 在四面山側卽古觀音堂明成化初年建
福泉寺 在縣東二十里舊爲觀音堂明成化初年建

龍女寺 在縣東五十里其山孤高下視村落萬象皆渺

壽昌寺 在縣東六十里近萬里籌

普陀寺 在縣東六十里明成化初年建

敘州府志

卷十二

寺觀

奎

長甯

雲峯寺 在縣東八十里明成化年間建

三元寺 在縣北八十里明天順元年建

東林寺 在縣東半里東嶽廟左

中峯寺 與西明寺相近明宏治間建登佛來山頂者必由此去石路數十丈平坦易步

永峯寺 在縣東五十里明成化間建

新峩寺 在縣東九十里明成化年間建

清德寺 在縣東九十里高峯特峙竹樹駢羅隔岸山橫溪流遶出舟行水緩可當臥遊常遠望口占云

觀山難得是溪行况復溪山任意評最好一山溪上

立綠雲高處有鐘聲

高堽寺 在縣東北二十里元至正間建

玉皇觀 一在縣城西北溪上一在上長鄉一在中

安鄉

馬道觀 治西桃源洞崖上並縣志

嚴峯寺 在縣北一百二十里甘露溪巖峻嶺茂林

可資登眺舊稿

高縣

南華宮 在南門內

榮祿宮 在東門外

敘州府志 卷十二

寺觀

寺

長甯

萬壽宮 旁建吉安公所在城內近南門

洪興寺 在東門外殿宇巍峩法象森嚴前臨碧流

後擁翠嶂旁有觀音大士閣塑像如生祈禱應驗

石仙菴 在觀音閣側即今步月亭並縣志

觀音閣 在北門外正對復甯河山川環抱凭檻觀

瀾勝概歷歷頗有天然圖畫之致即臨淵閣縣志

訓導陳時言臨淵閣碑記先是邑厲壇建於城南

之郊邑侯唐公蒞任謂非國制更置於城北臨淵

觀後適祭厲至觀少憩則見羅列神像數十而位

元帝文昌天師於上侯輒哂且慨謂神人一道人

道尊卑不並位道不同不相爲謀况神乎三神並位何若是之無別也事神治民予有司之責神則未安民何以治時方捐資命工建文昌宮於城西復於明正月出資如前築基址建樓於觀後數十步爲崇真閣踰月落成丐余言爲記謂斯樓旣成輪奐維新神其妥矣獨茲形勝尤可紀焉蓋其處石阜突越橫於江澗鎖其去流樓建於上巍然華整增其高焉甚有裨於城治其後古木怪石陰森屹立不飾自奇前則二江合流悠然入抱芙蓉諸峯左右拱揖每天開景霽凭欄而望濟渡往來漁

舟上下山光水色羣芳雜卉呈奇獻巧各極其狀一邑之勝可坐而覽也噫後之臨祭壇者必止憇於斯邑之髦老而閒遊者必休豫於斯與夫騷客詩人諸凡登覽者目舒神暢體適心怡詢所由而稱快者甯有窮乎夫古之賢人君子出爲郡縣咸有興建繫人謳思如歐陽文忠公治滁建豐樂醉翁諸亭自宋迄今歷世甚遠而滁人因迹思治如見其人至於久而不絕矧斯樓之建爲神神悅而福民民樂其樂而思自頌唐如歐愈久而愈不衰也必矣公楚湘人別號華嵩他有記矣茲不列於

石云時萬曆九年辛巳

附新

西山寺 在西門外一里修筠繞寺苔翠盈階風枝

霧梢綠滿花城

縣志

邑人李光琳九日登西山寺看菊詩西風颯颯碧
天高獨立層峯萬木號酷愛晚香和露種強撐傲
骨與秋鏖百年杜老防吹帽一代劉郎怕賦糕令
節幾人能不負狂歌把盞笑持螯長沙張泳初秋
遊西山寺詩西郭有招提青岑鐘磬響石梯累百
尺振履松巔上古殿佛瓔珞莊嚴煥金像老衲悅
客談叅禪憇吟想凭窗瞰城市居廬聚甕盎誰能

敘州府志

卷十二

寺觀

矣

高縣

羽翼生飄與出塵網嵐霽雲影開斜陽照林莽千
峯鬱佳色幽奧愜心賞自笑平生遊踏破屐幾兩
豈知入棘道看山更懷暢邊微關隘防芒布烏蠻
獷安得虎豹軍驅盡怪魍魎田疇徧打稻農歡歲
豐穰縱目嶺壑遙倚樹寄神往烟澹波光明秋江
撥蘭槳清颯颯來吹襟滌胸爽

附新

東山寺 在城南三里居山之巔峯巒迴曲塵氛不

到清泉長流灌田數十坵任早不竭香稻如雲環繞
崔嵬入德池水遙通孤嶂極目數十里外帶得謝眺
詩來真堪騷首問天處也

雲臺寺 在縣西南六十里右二甲崇山盤旋古木
鬱葱昔有高僧修持於此祈雨輒應檀那增光爲縣
治禪林之最勝

觀音寺 在縣南右一甲小殿幽雅竹樹陰濃雲度
短墻月穿虛牖頗有清趣

萬古寺 在縣南六十里右二甲雁堂數椽山月蒼
涼殊覺幽靜

龍蕩寺 在縣南七十里右二甲山環岩拱頗屬清
幽其下有龍蕩相傳有萬姓見蕩中龍現不能涉水
因薙髮爲僧於此修行

敘州府志

卷十二

寺觀

十九

高縣

伏龍寺 在縣南右三甲

迴龍寺 在縣南七十里右三甲峯巒幽淨奇石猗
猗

龍形寺 在縣南五十里右二甲山勢蜿蜒鐘聲震
谷

白巖寺 在縣東三十五里右四甲

佛見寺 在縣西南三十里右三甲

永福寺 在縣東十里右四甲賴蓬

南風寺 又名蝦蟆寺在縣東二十里右四甲騰龍
村左峻嶺上明萬曆二十年建

延慶寺 在縣東右四甲賴笏

道清寺 在左一甲

華藏寺 在河右四甲老王場並縣志

觀音寺 在縣西五十里左二甲紅岩距陳村四里

兜子山紅岩之下傍有龍塘岩畔石室天然床竈明

永樂間馬公和尚淨修之所成化元年鼠蝗為災寺

僧隆介了清演法三日大士現身雲表鼠蝗頓滅檀

那爭施幾千緡鼎建精舍置田百畝縣志

教諭劉夔紅巖觀音寺碑記高邑之西五十里許

有兜子山山有紅巖下有一龍塘時出泉水可汲

敘州府志 卷十二

寺觀

七

高縣

飲巖之畔有一石室天然牀竈可通人居止永樂

間有馬公和尚者隱此修行供奉觀音大士誦念

經典福蔭一方厥後此僧數滿謝世是岩復荒蕪

成化改元有三斯里田鼠山蝗偶出害稼里民呂

廉周思連單奇呂月憲等率眾發心因延高僧祛

除遂得法僧隆介偕徒了清至此遵教依科仗法

祛穰未終三日為害之鼠蝗種類胥絕於是鄉眾

大悅咸相告曰得此法師鎮我一鄉鼠蝗必無害

是以且謝且留請居此岩又呈邑侯高公給付度

牒介乃又自捐金置買阿與陸地一段結庵於其

上因名曰觀音寺茲者其徒了清有重修之舉因念先人創業之難兼屢年自置田地數畝欲分付達相等數人爲是請予併記之新附

兜子寺 又名豆子山在縣南六十里左三甲峻峯昂藏萬嶂趨拱後有牛頭山綿亘擁護古刹幽邃石上有羅漢遺跡

玉皇樓 在縣西左二甲萬厯丙申年建

觀音寺 在縣南一百九十里上一甲沐愛場明成

化年建並縣志

白岩寺 舊名白雲寺左右懸岩千仞上有清泉茂

敘州府志 卷十二

寺觀

三

高縣

竹殿後軒殿可容千人明正德年間羅賊剽劫鄉民

徐萬銀羅本仁聚眾避此大石上刻有佛號

萬壽寺 在縣南二百里

臨淵觀 在江岸江水迴瀾怪石壁立並通志

龍朝寺 在正六甲明鑄錢爐一座記崇禎己卯年

孟夏月立

皇朝雍正九年毛姓復修嘉慶十七年募修

朝陽寺 原古廟基嘉慶二年文朝璽率眾重修

定興寺 在正洲明崇禎七年建今圯惟鐘存

白雲寺 在來三甲卽蓮花山以白雲覆蓮花故名

成化間鄉官杜章杜斌同建隆慶間毀萬厯間又建
知縣李兆錦題地纔三里坦天覺十分寬遠樹不
遮寺修篁無碍欄禪機參茗味客坐戀蒲團高僧
圓寂後畱待白雲看

大興寺 前明古刹在行署東十里

萬壽宮 在正洲道光元年修並縣志

筠連縣

元真觀 治西北真武山同治元年髮逆燬五年府
知事蘇興義募化重修

東皇觀 一名凭雲閣

敘州府志

卷十二

寺觀

圭

筠連

玉皇觀 治東十五里下墩垵

瀛江觀 治北海銀場西岸

萬壽寺 治西乾隆五十九年知縣王以中建大山

門道光二十六年知縣陳銀重建

慈雲菴 治西北

海會寺 治北十二里海銀場東岸

海南寺 海銀場西岸

鐵牌寺 治南八里

雲龍寺 治南五十里平蠻堡

慈雲寺 治南二十里木魚寨

得勝寺 治南木魚寨明總兵何卿剿蠻方得勝建
今圮

佛來寺 治東二十五里巖高十餘丈半腰有洞深
濶各二丈許相傳有佛飛入故名乾隆五十二年僧
如禪募眾於洞外建大殿三楹外環以樓複閣重簷
遂為治東一大名刹有泉由洞流出四時不竭人呼
為觀音水知縣孟白桓題詩有神仙洞裏尋僧去菩
薩曇中拜佛來之句

光明寺 治東南巡司場前明萬曆年間建

白雲寺 治東南二十五里木桶井前明宏化年間

敘州府志 卷十二

寺觀

三

筠連

建

永興寺 木桶井前明萬曆年間建寺基三面懸巖
前有石門僅容車馬路由門入人呼為石山門

來龍寺 木桶井康熙年間建

觀音寺 治西北孔雀場康熙年間建一在白荆塢

定國寺 治東南十五里古樓塢

金海寺 治北十五里貓兒山

報恩寺 治北古木塢

白塔 治北負郭半里道光年間知縣梁如綱建

南華宮 治北乾隆五十五年知縣喻振修一在巡

司場

忠烈宮 治北乾隆五十九年知縣王以中建同治四年知縣王嘉瑞捐貲重建

三聖宮 海銀場同治十一年重建並縣志

珙縣

觀音寺 在孝友鄉上羅場山中石洞深廣竹木棗翠甲於一方僧人普月重修

中峯寺 甯泰鄉二甲孝兒場山中峯巒秀拔寺據其中僧人純月重修

善覺寺 在甯泰鄉僧人普輝重修

敘州府志

卷十二

寺觀

寺

珙縣

芙蓉寺 仁壽鄉一甲芙蓉山中有普賢菴上寶院相傳明僧印滿嘗住此

長安寺 崇禮鄉一甲馬鞍山中舊名馬鞍寺後改今名並縣志

延壽寺 在縣城南關外明建為朝賀之所後燬於兵今以其地為南壇縣志

劉武臣延壽寺碑記春秋繫王於天王繼天為元子億兆屬其君臨土宇入其版圖富貴之極無踰於天子天子所願欲者壽臣子忠愛其君亦莫不欲其壽故詩有天保之祝書有萬年之祈漢帝有

高山之呼此祝禮所由起也我朝列祖酌古立法定爲制儀等書勅天下有司行祝釐之典聖誕祝元旦祝冬至又祝先期習儀於所司廳事北明日行禮如初蓋所以教天下爲人臣者之忠也珙自有縣以來習儀於分司大率苟簡縣侯廣德布梁蒞官闕二考百廢旣興尤念分司非祝釐所舊有觀音寺在縣治之南高阜上狹小不堪山川壇在縣治之南溪山環麓式稱祝釐乃於正德己卯歲始建壇於寺寺改爲壇度其基邃之丈十二廣之丈九居民黎時憲地枕其北趙鵬界其西東依於

寺觀

圭

拱縣

敘州府志

卷十二

廊南濱於水也扁其門爲延壽寺仍以延壽榜殿之楣殿之後爲僧舍殿之左右爲翼室周繚以垣垣之下樹以柏露臺階除靡不完好此皆取諸舊址廓而新之力役於僧財不漁於民也歲時率官僚習儀於其中制度威儀偉然改觀百五十年闕典而今補之類非夙昔之敝也於戲壇以祭寺以祝皆禮樂之大在有司所當究心者也布侯爲政不襲故蹈常以就褻陋審其可而爲之若此是有志於禮樂者也詎非今之良有司乎矧因祝而改寺因寺而改壇壇之地高爽可以妥神明寺之地

平曠可以飭禮文事神敬君一舉而兩得焉行將
神人悅而風雨調年穀登而人民育不甯延壽於
君亦且延壽於民也噫嘻寺以延壽名布侯改建
之本意也若以為崇信浮屠眩惑左道豈足以知
侯者哉事既竣將屬士大夫何濬等丐余為之記
余嘉侯政知所務故樂述其事俾勒諸石以告後
之人云新附

天堂寺 育賢鄉下羅場側今廢其敘南衛古鐘尚
在

半邊寺 孝友鄉五甲上羅山間僧人廣甯重修

敘州府志

卷十二

寺觀

美

拱縣

北京寺 一曰唄經寺因有僧自北京持畫像供於

此故名北京寺在甯泰鄉僧人海月重修

報恩寺 在甯泰鄉僧人光輝重修

永興寺 仁壽鄉三甲

顯榮寺 崇禮鄉一甲落表場側有廟祝看視

翠雲寺 甯泰鄉有廟祝看守

坐化寺 在青山內林麓甚盛有僧坐化故名

中峯庵 在甯泰中峯寺側並縣志

馬鞍寺 在縣南一百二十里通志

東皇觀 孝友鄉五甲今改為泰山寺僧人現煥重

修縣志

興文縣

南壽寺 縣治南門外明副榜石泮讀書於此捐貲

培修

觀音閣 在縣署側各鄉鎮俱有名庵名寺名堂不

一

西陵寺 在縣西二里今圯

祖師觀 在縣東門外觀了山頂上今圯

白鳳寺 在縣東門外白鳳山上今圯

天聖溪 在縣北二里林木掩映溪水清漪雅稱幽

敘州府志 卷十二

寺觀

老

興文

賞

東巖寺 在縣東今廢

蓮花寺 縣東水車堤以山得名

五龍臺 縣東十五里古啟華兄弟建

石文卓五龍臺碑記天下事善創者基不拔善繼

者力不朽吾邑東關外水車壩有五龍廟古君維

楨昆玉之所構也神像輝煌楹桶燦爛瞻拜之下

令人肅然但廟之規模初創而神之香火無貲有

蕭君諱金鎔者好善君子也因與古君維楨商之

並偕古君之姪孫承宗共助銀四十餘兩買彭姓

田數畝以爲神廟久遠之謀事成囑予爲記予謂一方之神靈一方之保障也是舉也因祀神建廟而神藉以安因建廟置田而廟亦以永于是神得所憑依人亦得所庇佑自茲以往將吾民春祈秋報於此而雨暘以時寒暑以序一方之人旣庶且富矣抑吾民祈福禳災於此而疵癘不興天札不作一方之人旣安且吉矣且啟吾民之思佑吾民之行俾各親其親各長其長而此一方之人皆型仁而講讓矣由是推之廟田之設豈第以事神哉亦所以利人也是則古君善於創蕭君善於繼二

君誠可謂好善者乎抑吾聞之易言積善必有餘慶書言作善降之百祥夫爲善之事多端其大者澤被生民功垂後世遐哉不可及已其小者利及一鄉利及一邑苟吾力所能爲吾分所得盡者自當踴躍赴之雖非藉此以望報也而感應之機往往有不謀而合者惟冀世之人知得是理至信得是理真以此一事爲法更相推廣而擴充之則所以餘慶降祥之說不誠理之不爽者乎予深嘉古蕭二君之好善因並書此義於後而欣然爲之記

西林寺 在縣北一里

慈化寺 在縣北

並通志

三寶山 縣東水車堤以山名命

白巖寺 縣南十五里

香風寺 縣南三十里哆岡漕

凌霄寺 在凌霄山絕頂環以石城曲徑盤紆塵跡罕到真僊佛之所棲也

靜安觀 在縣東梅嶺宋延祐年間楊道錄建萬厯時裔孫楊廷遠同里人李從泰等培修乾隆年間復圯鄉人楊兆清改小觀樓神像後荀氏修前殿今其殿在玉屏山下文昌宮側

敘州府志

卷十二

寺觀

堯

興文

朝陽寺 一在縣城東一里一在建武東五里

萬壽寺 建城南門外寺傍山隈修篁滴翠古木留青為往來仕宦遊覽後即藏經閣

龍泉寺 在建武北門外寺楹皆石柱旁有清泉四時不涸故名

福德寺 在建城一里外有接官亭內石佛三尊約高五尺

金鳳菴 在建武城北三里今圯

青羊宮 在建玉屏山右廢址存

巖頭寺 在建武馬草坡

清涼寺 在居杭蓮花山疏竹圍繞寺最清涼

坐龍菴 在清涼寺之下內銅佛一尊約高五尺

東海寺 在居杭鄉大嶺下相傳神降監修

大悲寺 在居杭鄉落五村下竹木交橫地最幽雅

報國寺 在建武前五營

寶座寺 在文印鄉今改興龍寺

白雲寺 在文印鄉兩河口之上今圯像在石天堂

其堂有川主像禱雨最靈建城祈雨必往迎之今傳為故事

北所寺 在文印鄉兩河口側羣山圍繞形勢幽奇

敘州府志

卷十二

寺觀

寺

興文

龍山寺 在建武翥鳳鄉

飛龍寺 在翥鳳鄉即飛龍山

福全寺 在毓秀鄉會龍山原名大廟嘉慶十八年

知縣余炳虎因公宿其寺更今名

雲頂寺 在毓秀鄉穀爆營雲頂山上今存廢址其

下不半里為 文昌宮乾隆四十四年新建

俯泉菴 在毓秀鄉大地坪吏員羅明燧於乾隆十

六年改建菴臨崖畔林木蓊鬱流泉下洩淙淙有聲

亦眺覽之勝地也

玉皇觀 一在縣南門外一在居杭鄉頂冠山明崇

禎間建武營遊擊李棟創建後被野火焚燬嘉慶十六年里人黃玉書等重建各鄉邑有建者

真武觀 一在縣城東山環水帶林木菁葱一在建玉屏山麓俯臨城市繚繞雲煙

朝聖寺 在梅嶺玉屏山之東金泉灣廟廢銅鐘尙存

金龍寺 在六合鄉鳳凰山右並縣志

觀音寺 在縣西南通志

明徐文林重修觀音寺碑記予聞西竺遐方古佛出現迎入中國畫於蘭臺石室設梵宇構禪堂肖

敘州府志

卷十二

寺觀

全

興文

像奉祀歷數千不廢也興文西南箐前國朝興隆時有佛寺古蹟已就傾頽幾湮沒不可考矣適我邑侯趙公蒞任斯土於境內僧寺道觀力爲鼎建培修裝塑聖像固非有心於邀福者而麟趾兆祥占速效矣邑民許瑚邑庠生許珍之兄也素好善隱居巖谷感我侯之化謂箐前佛寺傾圮雖久獨不可以重修乎因於萬歷己丑持募簿投懇捐助我侯卽出俸銀若干瑚歷相山原置買吉地立廟宇二間塑繪諸聖金身設造香鑪花餅鐘鼓雲板供給各工等項除十方量助外瑚施助五十兩米

七十餘石至庚寅秋厥功就緒又以住持焚獻無資施穀積利爲久安計蓋以龍蟠虎踞之境蒼溪古澗依稀花木長春疊嶂層巒活潑風雲勝概靈秀所鍾聖神默眷又何疑於是功耶瑚因有所感而任其重己一時奮然興起而共成斯舉者皆足以垂不朽神咸佑之理必然矣夫佛不可強求心可以自盡推廣此心而事事皆然何用佛臧哉希諸公共勉之

原附

觀音寺 在上羅

仁義宮 在下羅

敘州府志

卷十二

寺觀

全

興文
隆昌

馬鞍寺 在落亥與珙二縣之間乾隆甲子年重修
更名長安寺

隆昌縣

祝國寺 在縣治東同慶閣後

妙高寺 在縣北六十里

清禪寺 在縣北五十里

龍臺寺 在縣北五十里

報恩寺 小南門外

東山寺 在縣北三十里

護國寺 在縣東翠峯山明景泰間建舊名普照寺

後改今名通志

明申時行建坊碑記蓋聞造寺起於伽水闢苑自
耆山迨竺經一譯於摩騰而蓮刹輒彌於震旦良
由聖靈周遍乎百億像法皈依於大千上自王公
下至士庶靡不躬禮菩提心崇正覺所謂分金光
之末照涉願海之慈波者矣古稱西蜀其佳山水
不乏而甲於富隆之縣治以東者莫若翠峯山景
泰三年建寺曰普照指須彌巔而作供臨清淨海
以爲池信眞形示現之區實大眾皈依之境歷年
既久勝事難常梁棟傾摧牆垣墜圯將萬載福地

敘州府志

卷十二

寺觀

全

隆昌

漸委於邱墟千種金容幾委於風雨越自庚寅之
歲嘗重修以煥其規今甲辰之春新構以擴其蹟
仰承勅建之鉅典遂更護國之徽名像紫極以壯
基擬皇圖而抗殿時維寺僧夙秉刹根堅持戒律
遠接少林之宗脈洞曉不二之圓詮奮然力破羣
疑慨焉誓成慧業亟捨鉢資徧聚觀施揆日準繩
礪金龕石椽題軒翥坊宇高驤賜書璀璨於琅函
題額照垂於銀榜飛甍截辟積栱璘珣精舍宛如
毘城仙輪無異蜀國堂構隆於盛際莊嚴倍於曩
時梵唄與寶鐸諧鳴天花偕芳蓮競馥蕭公鼎峙

既幸託重宰官身妙刹星輝常期仗諸長者力光
來東壁燈傳數比於河沙釐祝北辰圖鞏永固於
山岳助成善士並勒貞珉云原附

聖燈寺 縣南二十里明萬厯時建

大慈寺

羅漢寺 縣東五里

樓峯寺 縣南十五里

邑人杜梁樓峯寺記縣西南三里許有山壁立聳
出重霄名曰樓峯頂平而濶建佛寺於其上至明
盛時殿宇鱗列緇流數百鐘鼓聲徹於霄漢宗風

敘州府志

卷十二

寺觀

齒

隆昌

大闡於蜀南士大夫登眺必於是焉昔升菴先生
有曰半天開佛閣平地見人家前明邑宰朱公治
隆云名山著佛光是色是空遙見燈從雲裏露寶
寺鳴笳樂非聲非寂忽聞鐸自望中傳觀二公之
言山之高地之秀形勢之美實與峩眉並峙爲吾
邑名勝第一巨觀也慨自世局滄桑梵宇之輝煌
鞠爲茂草金爐之螭火散作荒烟雖正殿之龍象
猶存而兔跡狐踪令人今昔興廢之感者久之自
國朝定鼎以來休養生聚居民漸集地運聿興有僧明
禪披荆剪棘慨爲住持眾亦樂爲修理各相喜捨

正殿補葺前殿創興兩廊備舉山門重振焚香炳
炬開不夜之光暮鼓晨鐘徹聲聞之響朔望相與
瞻仰象教樂善皈心樓峯古刹煥然一新不誠勝
事哉方與首人題詠有合也并此數言於碑之端
凡有事厥功者例得備書

高洞寺 縣西三十里萬曆時建

邑令祁蘇高洞寺記余於康熙戊戌春二月縮符
隆昌百凡舉錯張弛未見施行不暇計及遂志適
情也益州沃壤千里古稱饒裕名世迭興焉罹賊
獻忠寇蜀劫灰滿地竟成一片邱墟而川南一帶
尤爲往來蹂躪之所幸我

敘州府志

卷十二

寺觀

全

隆昌

朝定鼎奮揚武烈掃蕩流氛海宇昇平年來蠲租減賦
更蒙加意招徠休養生息非復一片邱墟之境矣
夫隆昌彈丸一邑居敘馬瀘永之交衝界連東川
當重夔遵順之孔道夫馬絡繹疲於奔命不遑暇
豫豈能遊騁心志間適性情可以尋山問水會當
招徠墾荒以復額賦新舊紛爭互相構釁官斯土
者鞅掌簿書刻無甯晷心倦神疲有不能退食之
瘁安得半日間尋名勝巨蹟結清涼因緣然而適
志達情根於性也適因清畝平訟親詣西鄉遙望

喬木陰翳高踞青岑知爲洞天福地歷劫尙存自有鬼神奇靈默爲呵護卽之又見層臺傑閣高出樹巔隱顯如畫徐聞午鐘悠揚梵唄清越長松老柏際地蟠天翠竹蒼梧吟風嘯月崇山踞後蒼翠欲滴環瀑飛前潺湲入聽從人告予曰此高洞寺也乃舍車而徒高明宏廡洞豁入窗廊廡幽潔心志因而漸爽性情爲之一舒簿書鞅掌之人到此陡作林泉想久之道心澄澈雲影天光照耀入目花香鳥語意態襲人殊達情而適志焉寺僧行澤向予請曰茲寺創自宏治間雖仗佛力不落劫灰

而年久傾圮僧師靜潔志欲重修躊躇三十五年而未遂其願今僧又垂老恐再遷延負師所託於是備歷艱辛稍成素志建始於戊子落成於辛卯乞公言以記其始末則斯山之靈永垂不朽余聞而有感焉古今之興廢何常視乎後人之立志志堅矣而用情未正則舉動乖張安克繼志前人恢復舊制哉如行澤者志堅矣而情復正乃恪遵師訓而光大之可謂入空門而不空矣隆昌徧地劫灰而寺猶存且能復舊是地效其靈也靜潔有志而未逮至行澤而功成是人擅其傑也又能闢曠

土以永香火躬耕鑿以贍僧眾吁行澤者可謂志
得其堅而情適於性者也予樂聞其說而爲之記

新附

谷家寺 乾明寺 半壁寺 大悲寺

吉祥寺 縣北六十里

雲峯寺 縣南六十里

龍威寺 縣西五十里宋時建

張福寺 縣西三十里

天寶寺 縣東五十里

普潤寺 縣東三十里

敘州府志 卷十二

寺觀

全

隆昌

龍集寺 縣東三十里

天峯寺 縣南五十里

佛洞寺 縣東四十里

法王寺 縣南四十里

三臺寺 龍慶寺 水口寺 華覺寺

紹慶寺 縣西三十里

吉慶寺 柏林寺 三清寺 並縣志

普濟寺

知縣劉琨普濟寺記寺何以名普濟乎以其地當
孔道往來之人憇息其間喜得綠樹濃陰廣覆其

上又得僧人嘗以苦茶清水解人煩渴故咸欲廣其規制永其香火此紺殿之成田畝之施所由來也隆昌建自前明隆慶二年迄今幾二百祀矣時無古蹟奇踪足輝簡策者而郡乘所載金鵝灘之外僅傳石鼓石籬在土地坎左右且有宋人所書鄉校二字是此地清幽險峻爲隆邑之首出也余於丙申夏奉宰隆邑隆荒邑而又衝衢也當東南之孔道往來之差使如織錦而居民之烟火似辰星以此應使民之疲亦官之疲也縱有佳茗清水其如此煩苦何幸

敘州府志

卷十二

寺觀

六

隆昌

聖天子德威遠暨又各大府招徠多方而楚粵閩豫滇黔秦浙之民紛紛至止於是戶口漸增田地日闢差雖繁而不疲地雖衝而民樂業予因得告無罪於上下之間且得餘力焉以興廢修墜之事酌其緩急先其大者故首建學宮而前後左右俱煥然矣次及武侯祠城隍祠而廟貌聿新也又鼎置羅漢寺祝國寺報恩寺太平寺吉祥寺太和宮而佛刹仙宮皆金碧輝煌矣次修補城垣數百丈鼎建四門城樓而金城壯麗矣七載以來無日不以興廢修墜爲事而土地坎之觀音殿茶庵則闕焉而未之

及也歲之六月邑之士民詣予請曰邑之載在郡
乘者水惟金鵝山惟鑼鼓土地坎介乎其間而觀
音殿又居乎其上僧人於此施茶多年矣行人賴
之但僅小屋數椽非久遠計也請擴而大之予曰
然是予之志也但工費甚多爾等肯各破各囊乎
眾應曰諾予於是捐二十金付彼而去遠近士民
各出布帛錢穀鳩工取材又得木匠王文生自願
全捐工價是以不數月而功成矣其磚瓦之費尙
未足用余又捐十餘金以完其事但殿大而佛像
甚少似不相稱移西鄉廢寺鐵鑄古佛一尊居中

敘州府志

卷十二

寺觀

允

隆昌

以舊庵觀音居左予又繡白衣大士居右一佛二
菩薩皆遍體裝金而成當衝之大梵刹矣前構茶
廳三間中關帝又建過路涼亭以爲行人憩息之
所山茗之俸湯水之供較昔爲多予恐久而廢墜
又清出寺之左右前後田畝山地歲收籽粒以爲
飯僧供佛之資並應往來茶水之費因易其名爲
普濟寺蓋欲人之顧名思義而後先承繼以普及
於不朽云

新附

寶峯寺

縣西四十里

朝陽寺

縣西五十里

關主寺 縣西四十里

永高寺 縣西三十里

南峯寺 縣南五十里

龍溪寺 在縣西十里

華勝寺 縣西五十里

金峯寺 縣北二十里

隆興寺 縣西三十里

三界寺 祇園寺 普照寺

朝天寺 在東城外一里

清和寺 縣西四十里

敘州府志 卷十二 寺觀

卒

隆昌

祇林寺 縣西五十五里

太平寺 縣西四十里

三會寺 縣北三十里 並縣志

雲龍寺 縣西四十里 縣志

朱雲駿冬夜宿雲龍寺詩嚴飈捲地寒侵膚淫潦

浹旬泥沒塗籃輿向晚畏顛躓芻藁縛炬空糝糊

僧掩柴扉足幽適馬嘶林樾破荒寂一登寶筏悟

迷津何代禪師初卓錫白衣仙人最上坐楊柳春

風說無我劇憐塵垢塞真源且向瓦鐺焙活火細

雨飄蕭竹葉鳴孤燈黯澹鐘聲清出山齒髮自尋

省回首煙雲無限情

慶雲寺 治北八十里

崇福寺 縣西三十里

東嶽觀 萬壽宮 淨土庵

廻龍觀 南門外二里

南華宮 南門內大街

仙會庵 縣西四十五里

永興寺 縣北一十五里

文星庵 縣北六十五里

同慶閣 乾隆二十八年知縣黃文理倡建

敘州府志 卷十二

寺觀

左

隆昌

護國宮 在城內

大海寺 縣北六十五里

高峯寺 縣北十五里

長丹寺 縣東二十五里

雙龍寺 縣南五十里

中峯寺 縣南六十里

三合寺 縣北五十里

道固庵 縣北二十五里

天公堂 縣北六十里 明萬曆時建

觀音寺 縣北六十里

吉水寺 縣北七十五里

大高寺 縣北六十五里

聖水寺 縣南四十里

白雲寺 卽大佛坎縣南三十五里其寺懸岩邊洞

內石佛一尊高丈餘岩上有五舉祠岩下有石井泉

寺下平洋一坵有龜蛇獅象排列水口旁有天心窩

兩處真名區也

多寶山 縣南三十五里明時所建舊蹟猶存張獻

忠之亂蹂躪至此寺僧普明率徒眾五百餘人迎敵

不勝退逃山後豹子洞內盡被害廟燼

敘州府志 卷十二

寺觀

三

隆昌

麻姑祠 縣西二十里李家橋畔橋係長壽訓導李

芳建修庚申李逆焚其屋灰燼中惟木刻麻姑獨存

里人以爲靈應因建祠焉

正陽菴 北關外里許獻賊焚之今無惟大鐘一口

存

太和宮 北關外明末時獻賊焚之後改爲禹廟

寶峯寺 縣南十里

石佛寺 縣東五十里

黔峯寺 縣南五十里

三教寺 縣南六十里

璉珉宮 縣治左查王圻續文獻通考四川灌縣都
江堰水源發岷山禹導江沫水尙爲民患秦蜀守李
冰使其子二郎除水怪鑿離堆穿內外二江灌漑成
都沃野千里雍正五年

敕封蜀守李冰爲敷澤興濟通佑王李二郎爲承續廣惠顯
英王又前元至順元年封秦蜀郡太守李冰爲聖德
英惠王二郎神爲英烈昭惠靈顯仁祐王

觀音閣 縣內廣泉井今譌爲官井

龍潭寺 縣南二十里

冷家寺 縣南五里

敘州府志

卷十二

寺觀

三

隆昌

何家寺 縣南十里

菱角寺 縣南二十五里

天堂寺 縣東十八里

可陽寺 縣東二十五里

毛家寺 縣南四十里

王家寺 縣東十七里

董家寺 縣東三十里

新興菴 縣西三十五里

其陽寺 縣西四十三里

廻龍寺 縣西四十五里

流油寺 縣西四十五里相傳明時流油

東嶽菴 縣西三十里並縣志

屏山縣

南華宮 萬壽宮 三元第 俱在城內

萬壽寺 元皇慶戊子建明土府安氏重修萬曆時

請藏經四千四百卷貯之縣志

邑人楊一元重修萬壽寺記馬湖郡治東萬壽寺

肇建在勝國泰定甲子入我明來幾二百餘年頽圯特甚基址隘狹及世宗己酉冬至一府曦峯漆公見其傾捐金若干用為改作然尚未得展拓也

敘州府志

卷十二

寺觀

齒

屏山

庚辰夏太府岐南趙公以上考復捐俸金若干且許募民間以拓題其殿曰萬壽然尚未得蔽蓋也癸丑秋右川李公以比部尚書郎出守茲土捐俸區畫易出古戎王府琉璃銅瓦以蔽然尚未完備也及丁卯夏中戎吳公由資令出貳馬湖會大府懷陽張公入覲署府篆值長至辰習儀畢與諸生言曰釋氏以無相為宗見性為旨悟生死為究竟不係於像不像修不修但茲寺乃朝賀之所又非專為釋氏有者既得此三公先後託始矣完備以成其終何如即捐俸若干仍令里醮由是殿廊修

葺金像再新廻視往昔規制大不侔矣夫以此寺
頽圯久矣而改作於曦翁展拓於岐翁蔽蓋於右
翁完備於峩翁經其年則二十矣歷其守則四公
矣始克就緒是寺之成也豈易易哉使前乎峩翁
者皆有此心焉則其成不當在今日也或曰四公
之爲此者毋亦惑於異端者流思以善其因果福
其報應齊其輪迴者乎不則甯不爲渠立赤幟乎
予曰曦翁洪都高士之流象山者也岐右二翁關
中名品裔於橫渠者也中峩夫子浙姚吉人遠宗
伊洛近承甘泉道林大洲之心傳者也其識見之

精必非因果所能惑辨析之定必非報應所能移
持守之堅必非輪迴所能動要自合德天地以爲
心合明日月以爲意與鬼神合吉凶以爲念慮者
詎肯爲此三者而爲之乎矧效忠宣敬不以遠近
而略飭不以細大而廢修又臣子大節也若茲寺
宇聖誕元旦長至習嵩呼演拜蹈所必至者卽壯
麗宏敞未爲過也顧可任其頽圯而不爲之改作
仍其闕略而不爲之完備也哉或者唯唯而退乃
以是錄於石隆慶二年八月立陳禹謨重修萬壽
寺藏經閣碑記漢自張騫使西域始聞有浮屠教

後明帝遣郎中蔡愔及博士秦景使天竺以白馬負經西來天竺蜀界也則佛教之入震旦繇蜀始矣晉大始中月支沙門竺法護西遊諸國大得佛經至洛翻譯佛教東漸於斯益衍及釋道安分遣弟子宣教諸方而法和實適巴蜀則佛教又從中土而西被矣迨梁武大崇佛法於華林園中哀集釋典凡五千四百卷隋大業時令沙門智果於東都內道場條列經目以佛所說經分爲三部一曰大乘二曰小乘三曰雜經其菩薩及諸開士贊明佛理者名之曰論曰律佛教寢燦然備焉迨我大

祖高皇帝基命金陵成祖文皇帝定鼎燕京並崇尚法寶誘濟羣生兩都俱鑿經板播之中夏於是南北二藏昭昭乎若揭日月而行亦越我皇上孝治天下推廣聖母宏慈裝潢北藏徧置名山妙典流傳人心信嚮猗與盛哉此千佛乘暉之辰而萬靈景燭之會也獨馬湖僻處荒陬聲教未及紺宮梵宇在在有之而大藏闕焉郡治東萬壽寺葢歲時祝釐所其經閣創於秦定中虛無有也而歲久且就圯余顧而嘆曰佛教自西來乃西川顧有教典不被之處詎非大憾事耶於是捐俸倡募裒得

百餘金以乙卯春王正月命僧官常慈遴選沙門
寂普輩五人請藏金陵余爲書達當事者未匝歲
而寂普輩還報竣事衛尙書匾曰大光明藏焦朱
二太史一題曰御製經閣一題曰義海普潤吳祠
部以冠帶榮護藏者誠重之也經旣入寺而閣以
圯故不任貯經余又顧而嘆曰昔之患患閣不得
經今之患患經靡貯所且奈何哉於是復捐俸作
倡會民有發著者易而葺之革故鼎新一旦輝煌
倍昔寺僧跽而請曰勝因就矣將垂之于萬斯年
可無記乎余聞之曰佛者漢言覺也將以覺悟羣

生也吾儒之教本以先覺開來方今聖明御宇道
揭中天而絕徼遐荒或難戶說則助皇風而旁暢
者不無藉於大覺氏之誘掖矣湖鄉以土牧改流
未幾懽悞不調夷風猶熾茲者聖諦宏宣示權顯
正辟之長夜逢曉迷津見衢家企歸宗人耽禪悅
用以陶冶粗鄙藻練神明將來盪夷俗而稟正識
振末劫而登覺路俾湖民不蚩蚩終爲闡提也者
所資法寶之覆護饒益詎可涯涘哉閣成函大藏
貯焉余薰沐以志歲月萬曆四十四年孟夏月吉

萬壽觀

南溪劉忠萬壽觀銅像記四川馬湖府治瀘水下
流守其土者歷代建宮雖殊然皆安氏子孫自漢
武至今五十八世矣簪纓之遠未有若是其盛者
郡舊有萬壽宮而道紀司在焉實歲時祝釐之所
前建樓高敞宏壯成化甲午太守安侯乃萃銅鑄
玉皇神像飾以純金龕置其上設獻几香鼎花餅
皆精緻朔望瞻禮用祈庇國保民之福工成嚴醮
事以落之乃以書來俾記其事嘗聞皇天神也天
者清虛一大之謂以形體而言謂之天以主宰而

言謂之帝以功用而言謂之鬼神名雖不同實則
無二惟我天子得以祀之初未有所謂冕衣裳者
之制也冕而衣裳則人而非天也自釋老之徒出
創爲玉皇上帝之說土木其形丹碧其飾始爲冕
而衣裳之像上自王公國都以及閭巷皆祇祀之
而不知僭已非禮矣竊思之天高地下而參之者
人也况人又天地之精本相流通則其神之所凝
容或有肖於人乎不然玉帛牲體之陳邊豆簠簋
之設將投諸虛空茫昧之間而無所於用耶古之
人必有見於此第難言之耳惟爲之也不輕敬之

也不瀆於事神乎何損安侯肖神像以金可謂爲之而不輕矣置諸樓居不常親邇可謂敬之而不瀆矣不輕不瀆則重其事重其事則重其神重其神所以重吾民也民其有不安者乎此侯之子孫所以永食茲土而無斃也是不可不記成化二十三年正月新附

東皇殿 潮音寺

白袍殿 在望龍山頂

海鎮寺 在鳳凰山上正對火盆山及南岸之火星石先是郡人苦回祿郡守移萬壽寺釋典貯於此以

敘州府志 卷十二

寺觀

苑

屏山

厭之今亡矣

鏡山寺 今廢

華光殿 桂香殿 迴龍殿 俱在西城外

太洪寺 在錦屏山右 並縣志

雲居寺 在縣屏山麓僅有基址 縣志

桐城顧忻遊雲居寺詩結伴閑行物外緣紆迴石磴陟層巔六千里外江湖客八月秋中陰雨天流水有情因見性看山無語欲安禪蓮花座下清如許檢點南華思渺然

中峯寺 龍興寺 俱在兩合鄉

朝元寺

觀音寺

木梁寺

寶珠觀

觀音堂

俱在福延鄉

並縣志

清涼寺

即古天甯寺有上寺下寺之別溪流環抱

古樹交橫

縣志

長甯周洪謨清涼山天甯寺碑記馬湖境西南夷

徼其山控烏蒙烏撒而連峩岷其水出雲南麗江
歷數千里而至郡以郡在一隅而山益峻水益駛
故士大夫之遊者非有故罕至其地地邃而靜無
世俗塵囂之雜惟浮圖氏之茹澹泊嗜空寂者為
宜若清涼山天甯禪寺其地尤邃而靜者也寺在

敘州府志

卷十二

寺觀

百

屏山

郡治西五里清涼山之麓僧綱司在焉創自前代
莫詳所始宋咸純中重修元末燬國朝洪武中重
建積歲既深日就傾圮宣德中都綱容顏與土官
知府安璿泥溪長官王鳳葺之景泰二年都綱妙
容募眾重造佛殿且以其事聞蜀王殿尋賜瑠璃
獸脊以畢其功凡諸佛像率以金飾天順中容又
建鐘鼓樓閣於左右鑄美石為熱香鉅鼎又令弟
子明熙之湖廣市銅千餘斤鑄鐘以還既而僧道
性造運輪藏殿道碧瑩臺墀之未瑩者茲寺之葺
於是乎合眾功而始備雄壯華麗視昔有加容年

八十一自詣於邸乞為筆其事於石非特以識營繕歲月庶茲寺始末槩見於後世也嗚呼學釋者圖新其宮宇而品式畢具如此吾儒講明先聖之道以成其材一旦官郡縣既貴且富或不能為先聖葺祠廟以供祀事視容所為亦可以愧矣然則尊師報本之義予於容得不之嘉乎故為記之成化九年新附

白雲菴 卽王守中調息處

解結寺 在三公鄉並縣志

觀音寺 在洗油鄉縣志

敘州府志 卷十二 寺觀

屏山

知縣劉嘉賓詩窄徑披蘭若寒峰隱石臺孤僧柴米去俗吏簿書來雨入郊村暮風翻鳥雀哀匡廬多故事頭白得相催新附

慈雲寺 在大村鄉縣志

王詠慈雲寺記寺以慈雲名取內典慈雲慧日義也宣德初牧沐川悅君諱聚者雅好浮屠愛蓮花山之勝嘆曰是不可建梵宇乎乃令僧師勝率其徒性清性行誅茅闢徑創為佛堂一間開常住田數畝徵糧若干入冊既而復修無量及東西廊頗稱壯麗僧徒自是益濟濟矣迨正德間有湛俊湛

誨湛性者與其徒寂良鳩工集材復修天王法堂
金剛諸殿視昔尤爲煥然顧寺前未及暨坊其橋
梁亦已傾圯嘉靖癸亥悅君諱寶光者欲成先志
其配王孺人亦樂相善事乃因寂良所募遂捐貲
修蓮花橋三洞石坊一座於寺前然後輪奐兼美
刹宇宏壯足以妥大雄氏之靈稱山川之勝也吾
嘉一江陳子諱岱者遊寓龍湖述其創建顛末請
余爲記余謂自西法流入中國琳宮寶刹遍於宇
內卽如慈雲一寺世世崇修不輟彼釋氏者何以
得此於人哉吾嘗閱貝篇考雲笈知佛之所以能

鼓動宇內者有在也蓋佛之說無慮千萬言要其
大旨則不越乎人心夫心者至神之物聖愚賢不
肖之所同具也佛唯持是說以爲柄此與吾聖人
傳心之理厥究豈殊固宜世之靡然而爭趨者日
益眾也爲之徒者儻身處其宮而不達其宗口誦
其言而不知其義甚或假是以愚惑齊民則吾於
佛奚取焉學佛者勉之毋負檀越修建之美意可
也二江子又言寺僧以百計數世之後猶共堂而
食不失祖風此其惇睦亦有足取揆厥所由皆悅
君感孚之效也僧咸以悅爲姓寂良而下與有其

勞者俱書諸碑陰俾後之緇流知所考云嘉靖四

十三年九月九日新附

馬邊

三元樓

萬壽宮

榮祿宮

俱城中

南華宮

在西門外

並廳志

龍齡寺

明季建在城中西山結穴處其地皆朱石

紅砂聚成小阜岩石中間有紫蚌蓋亦山脈靈氣所

結廳志

明張應泰龍齡寺碑記新鄉鎮舊名鳴龍洞城中

有解結寺自唐時初於西岡之陽今西臺是其舊

敘州府志

卷十二

寺觀

三

馬邊

址來脈迤邐址基軒阜四山環屏崔嵬蕩族前江

映帶滌泓澄深蓋吾鎮大觀也至我明景泰四年

移前建監又有古樹叢森朝躋夕陽氣象萬千鳶

飛魚躍之趣恍然寓目猶稱得地哉按其界畔上

出城外橫行大路下抵堰池週遭計百尋許既又

入官名既濟矣即近街路口西傍周讓王家住處

亦係寺廟遺址先是嘉靖年間司侯悅諱輔鎮者

卜陰地於界內以田一斗易之改寺坐西向卯更

路東行前後皆虛僧家未見蓄聚且殿廡傾欹湫

隘殊弗稱制矧今邊平善後上命汪郡侯列秩專

城凡蒞政者將率屬嵩祝於斯所乃規規仍其舊
無論不足振緇流不亦大藝明典耶乃住持老僧
界端傳衣鉢於廣胤其人幼讀儒書及長從侯氏
祝髮入桑門志潔而行芳可接武暢文者蓋眞苾
蒨也有激於衷爰是毅然增改其制定向爲坤艮
尋闢舊路鱗砌石梯僅募本鎮檀越發葺正殿至
於天王殿後牛王殿左右兩廊共計十八間俱係
僧廣胤出資掄才經營締造聖塗丹雘巍然煥然
聿新且備是浮圖七級之功行也以萬曆庚子冬
始事迄壬子春竣功旬年間僧家漸盛本僧奉例

納度禮部劄給僧綱司冠帶轄兩鄉寺僧此豈非
改建之明效大驗與功成屬予爲記予思夫名山
勝槩何地無之獨此寺居鎮之中轟然迥出塵表
綿亘而苞直侔鷲嶺所以鞏皇圖於億萬斯年者
洵在茲乎遂更名爲龍齡寺蓋取華祝我明龍興
之義且與鎮之舊名鳴龍合也予嘉樂之敢誌其
盛以壽貞珉云

國朝劉汝楫重修龍齡寺碑記先王之疆理天下也有
城廓藩垣以爲民衛有街衢市肆以奠民居有山
林藪澤以供材用有污池園囿以備畋漁至於巉

巖峻峭絕壁奇峰其地怪而僻其脈繁而險耨鋤
不及施塵宅不敢據者則又往往假於神道設教
之說而勅爲明神仙佛之香火以控馭之蓋所以
制其抗暴之氣而鎮撫百姓無逢其災害詎僅曰
流連光景媚神佞佛也哉夫鎮之有龍齡昉於唐
初亦不過二三貧衲發心結茅屋數椽爲焚修地
耳無何而五代而宋而元數百年間莊嚴之盛雄
於列郡且明季流氛肆虐暨我

朝滇藩寇逆兩經兵火片瓦無驚此豈非名山大川神
實式憑補苴罅漏之功固未可聽之度外也已比

上教善原係黃冠士客於龍齡與住持僧教祥相
得甚歡未幾祥示寂善遂祝髮入空門約本寺之
常住不過數十斗粟止耳計其入不敷僧一歲衣
食之費兼以地瘠民貧雖有慕善之心苦無點金
之術大檀越大護法果誰屬哉乃邇者烏蒙逞豐
朝廷命將興師吾鎮標部廳中軍高効力行間最久至
此而妖氛盡殲凱歌而還則見其拮据不遑亟詢
其故僉曰吾始而葺牛王殿娘娘殿周圍迴廊訖
矣今又欲重修天王諸殿而工多食少不承權輿
是以搖搖若此高唱然首肯捐貲爲眾倡而吾郡

之紳士耆民商旅等輩靡不踴躍從事已而厥功告竣則又磐石以須將樂善好施之名姓與土木之所由始者詳揭於碑使前人勦之後人繼之如詩所謂以似以續續古之人者則培補風水之說其不戾於先王疆理天下之意也夫吳廷傑重修龍齡寺碑記事無成而不敗亦無敗而不成今日之成安知後日之必不敗後日之既敗安知不如今日之克成成敗循環其氣運使然乎原夫龍齡寺舊名解結先建於西臺今之火藥局文昌宮是其故址既敗也在明萬曆庚子年間改建於此更

敘州府志

卷十二

寺觀

真

馬邊

名龍齡越

皇朝康熙庚子歲因其頽廢更加補葺既敗也復又成焉
歷乾隆庚子殿宇神像多摧殘剝落凡瞻拜者欲加補葺每有志而未之逮是年春有僧香甯來自眉山不忍坐視弗理又慮費金無所出常住所入無多以供焚獻外僅哺一僧已也因叩集眾檀那約五百餘金鳩工粧彩由外而天王而正殿而兩廡最後而牛王殿諸佛神像泥金受彩無不煥然一新其瓦木墻垣缺者補之廢者興之葺年而成此幾敗而又復成者也又適逢庚子年焉凡三庚

子氣運使然若合符節有如此因刻名於石非爲名也謂既成於今日之庚子安知不敗於後日之庚子欲保後日庚子之不終敗尙讀碑而感今日庚子之能成云新附

普賢閣 城南山半在演武廳後俗稱爲普庵觀兵

明萬曆十七年建

玉皇觀

中興寺

紫微殿

永豐寺

成化年間建

廳志

呂文賓重修永豐寺記蓋聞天地有缺陷日月有盈昃古今有盛衰人事有得失此必然之理也顧

敘州府志

卷十二

寺觀

重

馬邊

有成者必有敗焉有興者必有替焉使聽其敗而不以振之任其替而不以舉之又何有成者興者以振勵人心於無窮耶是故興替成敗雖曰氣運而扶衰起弊專賴人爲如鎮城之南五里許越江而東有古刹曰永豐寺創自成化其來久矣霜露摧殘風雨飄搖漸失其初在昔先民王君永貴目擊傾圮頓發菩提以次修理而暮鼓晨鐘得以不墜者在此舉也洎經兵燹人民星散又值暴風雪雹瓦桷拋朽里中居士王貞悟意欲鼎新而更張之然大兵之後繼以凶年願量雖奢不能強枵腹

之儔而責以興作之事也僅募人工補其缺陷亦屬聊蔽風雨期免傷其教像而已越十有餘年而節稅蠹齧棟折榱崩非若權宜措置可以易爲力也里人朱國元等瞻瓦礫之鋪地睹敗殘之在卽尙稍寬其歲月不幾興黍離麥秀之感乎因及時綢繆募化官紳士庶大興振作不越月而宮闕門堂聿觀厥成方諸祇園布金何多讓哉自是而威嚴赫赫有以壯永清之觀殿宇巍巍益以呈山水之色光明普照被和風甘雨之祥玉燭常調沛民安物阜之澤用垂悠遠共戴無疆是爲序康熙三

十一年歲次壬申

新附

牛王寺

觀音堂

明王寺

在永樂溪之後村建於成化初年昔所謂

五龍山牛王寺是也蓋其山前爲五馬岡爲瑤坪側

爲水派岡爲黃茅岡五山環抱爭奇奪險而來地理

家指爲五龍透江

廳志

華洲子五龍山明王寺修建天王殿鐘鼓樓碑記

佛寺何爲而建也蓋自漢唐之時教流中國而中

國之人懵庸肆忤長惡不悛者咸化而爲善焉是

以當世之君見其陰有翊於治教率以建之者也

但其間有尙侈者專事工巧而易墜有從儉者習於簡樸而易陋惟吾鄉明王寺建於永樂溪山之陽而首僧海金有見於此寺故不尙巧亦不近陋而規制因之以異焉然是寺之建固足以壯勝槩於無窮而尤慮夫常住之不給由是於大腳坪馬鞍腰置田畝數碩用以資焚獻之需繼之以性傳性通皆能克守厥成而未嘗有所興作至傳之徒曰相坤相壽見寺僅惟佛堂獨鎮廊廡空存爰是協眾捐貲修天王殿建鐘鼓樓而地藏而接引刻象塗金巍然煥然始稱大備矣嗚呼開創難而繼

述尤難今不惟善繼善述而更有光於開創由是而不振宗風肅清規於有永法源紹續綿鉢裔於無窮者謂非今日肇修之功以致之哉况寺之始於宏治乙卯而制尤未備其在昔也不得獨美於前更成於嘉靖甲子則殿無遺制工無遺漏其在今也是不謂之獨盛於後也耶噫觀此則壽坤之素志高潔識量恢宏而永樂溪一方善人之多不亦從可稽哉余因寺僧之請深愧庸陋而三辭不果遂就其事以記之嘉靖四十三年甲子歲冬十

白鶴寺

吉祥寺 在永樂溪之前建於正德元年寺前有古柏一本四株大皆合抱葱鬱參天勢如建纛

龍興寺 成化年建在伏虎嶺之下與隆場後前人取義為虎伏龍興

掛燈寺

真武觀

明時建

並廳志

萬壽寺

唐貞觀時建在龜峯山今香火稱盛廳志

明楊楷萬壽寺碑丙寅歲中值丁丙艱時黔役未戢上方拊髀留鎮三藩抗章復入始得讀禮家居

敘州府志

卷十二

寺觀

草

馬邊

忽里中耆舊袁可觀陳侑佑庠契夏正綱丁文炳造門而請謂大元會功德圓成丐記鏤銘以詔來禩予曰大元會之設果何所昉乎僉曰新鎮有龜峯山者去城北數里許山勢逶迤而下起伏頓跌宕直奔中流碧波繞麓翠壁排空洵邊城之鎖鑰新鎮之大觀也於唐貞觀時上建萬壽寺元天觀東嶽祠為諸靈鍾蔭之區勝國以前鏤碑紀績夷變化為烏有不可問也惟我成祖文皇帝時里人史胡公內邑少司空高甲子甲午兩誌貞珉備述往事尚可考而憑也每遇歷元甲子謂甲者剖符

以出子者滋也萬物滋生於下天運至此兆與人
事至此更始合境達官黎獻及十方檀越善姓湔
除三孽共注一心捐金捨幣延緇羽會三界無量
聖賢建十殿重廣水陸宏敞靈壇並修水火煉度
用以酬答穹屋用以追薦先靈祈大有介繁禧賑
瑜珈償冥貸逐疫懺誓之法靡不備舉於斯遞至
甲子應循往轍緣以軍興輸輓人未息肩雨暘不
時災稜過半今幸邀佛天慧力通西滅影穀菽稍
登矧值召父流膏神君剔蠹邊境黎甦登諸衽席
仍見虎豹晝行弱肉而游遭強食疫癘天札南陽

之甘菊罔靈耆父老相顧而詫曰大元勝會振古
如茲迨於今日可令墜典廢祀以致神有怨恫耶
住持僧了常持短疏叩屏邑張公靖臣守戎魯公
希聖共嘉其事各捐白鏹以爲士庶倡而我齊民
又敢吝園刀菽帛而不欣然以造此彌天大饒益
也於是延緇流於富邑而德行僧慧重延羽客於
湖中而得道官徐仁通莊嚴七寶紫磨剪綵瓊花
瓊樹羞陳珍品樂奏鈞天齋修九品蓮花醮建三
清鶴樹懺禮玉錄金科經演琅玕貝葉致文武達
官羣遠邇黎獻十晝九宵三皈五戒建此無遮大

會鷲鸞世界不分明構在人寰間哉誠至而能格
天箕風調畢雨順井鉞弢參旗偃災祲息而物害
除感應之速捷若桴鼓藉非鄉翁宏章巨筆雖美
曷能傳耶余曰當今二世之教颺發侈靡固不當
附會其說然災異事應何代無之以人勝天以德
消變理固然也矧神道設教其裨雅化居多粵稽
龍虎天師漢張道陵爲始清虛大道周李伯陽爲
先佛在西方祇園演教禮行南國傳奕開端漢明
夢金仙飛殿而遣使傳經梁武因妬后化妖而命
臣作懺般若臺般若船西方功案兜率天兜率雨

敘州府志

卷十二

寺觀

皇

馬邊

超度津梁種種因緣不可思議諸耆友修禋祀之
典答水土之靈緣及三生薦超九族是亦仁人孝
子之極思也斯舉也天人協應似續無疆後有作
者必望旄頭之塵而步芳躅聆屬車之聲而繼好
音矣遂述其事而記之天啟七年丁卯秋第六日
題吳廷傑重修萬壽寺碑記余讀禮家居凡三載
今歲春因諸生請四日乃至馬邊越癸酉底川秧
館設三官樓距寺僅數里隔一江乘課暇約主人
楊姓者招舟子穿竹徑逶迤而上竟達寺所樹木
縱橫煙雲厯亂前對蓮花諸峯河流則曲折而環

抱亦邊城勝地也旋入步有鐘樓祀關帝再進爲天王殿豁然開朗雙桂競榮乃暫憩僧舍時犬甚惡命繫之遂東謁觀音堂次祖師殿次大雄殿深入爲藏經樓後爲無量殿右爲地藏爲岱宗其側爲文昌吾邑御史明進士楊公諱楷序巔末甚悉因覆讀之知此寺自唐貞觀中始公之作蓋本里人豸史胡公鑑及內邑少司空高甲子甲午兩碑也然其字跡磨滅不可卒讀余竊駭焉斯邊徼也胡以有此已而思佛法自漢明帝時流入中國至晉始盛前司馬相如通西南地屬內附唐承隋後

敘州府志

卷十二

寺觀

皇

馬邊

好信襍祥緇流廣築祇園斯地之有斯寺也又何疑哉第其間成毀相半風雨剝蝕者甚多而天王殿四大相及大雄殿并柱俱新詢之主人前任郡宰王公諱廷取實倡之諸君子共襄厥事蓋此役已三易春秋矣時方磨石列名而鄒君踵館徵敘於余鄒諱鄰衛亦屏庠也余曰前人創之後人因之書志不忘斯舉也甚當憶自丙戌赴京師所遇楚豫之墟燕秦之域凡有名刹無不駐馬流覽載入奚囊而客歲我

皇太后萬壽頒示天下凡一切菴觀寺院俱令當事補葺則

邊人之有斯舉也方將廣播

慈禧導揚休美甯惟是種福田結因果瑣瑣焉效沙
門釋子之所為也哉所愧余以登山健興偶逢僧
話得邀半日之間倘他日夏秋之交縱步虎溪率
二三子重謁上方高吟唐明曲徑通幽之句未必
非吾輩韵事敘旣成因以應鄒君至所云主人者
誰楊君天海是也乾隆三十八年季春吉旦

新附

孔明堂 明時建

石龍殿 城北五里河岸有紫色石梁一條由伏虎
嶺起至大村下河曲折遶城而來或見於岸或隱於

敘州府志 卷十二

寺觀

馬邊

馬邊

河透迤三十餘里至龜峯山腳下止堪輿家指為石
龍過江因以名殿

金闕殿 在龜蛇山

並廳志

羣嵐寺 在城北三十里正德年建寺左一池窈然
莫測每歲中生紅蓮數莖芳艷可愛又有紅白魚數
種當蓮花盛開時始見

廳志

明高士彥序夫自金人入夢而佛法行於中國自
龍曹之感而善念動於劉平其原蓋有由然矣士
彥內江人也素與隱君姓劉者相友善劉謁予榻
曰吾境羣嵐寺肇基於上世其林木深茂山險而

勢幽虎豹出沒於郊原蟲蝗滋害於曠野環居左右之人舉目無策我劉氏集眾相謂曰物害之甚非人力可遠必賴神功庶災禳可弭設此寺曰羣嵐因山勢之高而名之也於是師鳩工募繪士佛殿成而靈感聿著至嘉靖元年眾見後殿卑隘更取徂徠之松新甫之柏經營拓擴遂成鞏固磐密之基且晨鐘暮鼓在寺所不能無者又建鐘鼓兩樓而寺之始終備焉予應之曰劉君善人也昔人建華祠而嘉祥衍慶建佛丈而紅光滿室劉平善念與劉君共貫而同條也豈有時異勢殊之分者

哉羣嵐之革故鼎新氣象改觀倍於往昔其勢如雲邊鐘鼓其高如天半樓臺誠一方之奇鎮也豈淫祠妖殿之倫者耶且由是而昔之物害皆屏跡也所謂一誠而百害自息凡士農工商舉得以沾佛法之佑而享太平之樂矣彥又歌曰時哉斯雲含合眾心舉之無上潛乎至深彌天廣博膚寸甘霖和兮表慶怒兮示稜符同元造應合劉君

國朝馬邊營守備朱潤記天下名山大川每多佛寺西蜀自遭兵燹之後叢林古刹類皆廢弛如鎮城之北十里許寺名羣嵐者層巒疊翠四圍環拱溪水

清流豁人心目蓋山以嵐名喻其秀也嵐以羣名著其靈也週迴皆古木參天俯仰盡白雲封塢雨暘晦明無不宜觀誠巍然一天竺佛國也奈何世移運遷迭遭劫數始焉有寺無僧難禁風雨飄搖繼焉無僧寺廢遂至金容零落宜乎官斯土者不無盛衰之感居斯地者咸切此倚之嘆矣幸佛天有靈神明顯赫金闕土主尊神勸善闡教官士兵民等眾傾心樂助以致大雄寶殿不假僧募而整飭如故天王聖像無待魚鼓而創建一新其間苟非佛之有靈神之若助安能若是之速且易乎夫

敘州府志

卷十二

寺觀

真

馬邊

莫爲之前雖美弗彰莫爲之後雖盛弗傳金鼎建重修兩俱告竣地方耆老咸思勒石以記其善因請聯扁并問序於余余雖不文敢不執筆直書以爲後賢好善者勸新附

磐陀寺 城北二十五里與百丈巖對峙負山面河山有石洞一夜烈風暴雨崩出雌雄二石其約十餘丈餘礫滿山森列猙獰欲並墜河填塞下流使甕成湖海雌石先下僅塞其半雄者傳觀音菩薩盤坐其上遂止因建寺石上故名

天台寺

觀音寺

天池寺

俱在川秧鄉

瓊光寺

寶珠寺

王母殿

中峯寺

清涼寺

景德寺

冷水寺

俱在蕎堤鄉

彙老寺

在上溪鄉

伏虎寺

在伏虎嶺

太平寺

在大竹鄉

並廳志

雷波廳

觀音閣

在垂珠洞口

通志

